

294

Ladinischer Kalender für 1914.

IV. Añ.

4. Jahrgang.

Calënder ladin
per l' añ 1914.

Fat y dat òra dal' „Union dèi Ladins“
a Dispruc.

.. .. Prieš 60 hl.

Dispruc.

Stamparia del Kinderfreund.

Index.

	I—XXVII
Calendarium	28
'N salut al calēder	29
L' Union dei Ladins	34
J Romaunč	37
Trēi maōstri de Gherdēina	41
Fertuna	42
La curta	42
'L pētler	43
La stolza	44
Guebia grassa	45
'L fuec	46
Nēus son sōt	47
'L studēt (Ciantia cun nōtes)	51
Na viva	56
Per amor del' o'na	65
La fēna furba	66
'L curat Morris	67
Cie che pō suzōder	68
Stories da zacan	72
Sauri da se-tení a-niēz	75
Sentēnzēs e pensieres	77
'N puec per sōrt	79
Badiōt: Al ostí da Lungiarú	79
Valc por 'l mè de cē	81
Le jagher dal jal	82
Faşan: Mascherada	87
Fedóm: La insuda	88
Sa mont lè ben bel	



Zur Schreibweise

ist der ladinische Kalender von 1912 einzusehen, wo sich eine ausführliche Darstellung der Schreibweise und Lese-regeln vorfindet. (Zu beziehen von der Redaktion oder von Josef Runggaldier sen. in St. Ulrich).

Zu bemerken ist dazu, daß der Akut als Akzent-zeichen nicht mehr gesetzt ist, wenn die Betonungsweise ohnehin klar ist.

Für die nicht-grödnerischen Dialekte sind als neue Zeichen verwendet worden:

Badiot: ũ wie französisches u.

œ: dumpfer ö-Laut.

Im allgemeinen ist hier noch zu bemerken, daß der Enneberger die Vokale kürzer spricht als der Grödner.

L' añ 1914

ie n' añ ordinár da 365 dís.

Cater-těmpora ie-l:

ai 4, 6 y 7 de Měrz.

ai 3, 5 y 6 de Ġuni;

ai 16, 18 y 19 de Setěmber;

ai 16, 18 y 19 de Dezěmber.

Del ġiaġín:

I dís ch'à na crěuš y na stěila († *) ie-l pruibì de majě cěrn y de se pašentě plu de n'jěde al dí.

Chis dís ie: Capión; i Věnderdis de Curěisma y del Avěnt; i trěi ũltimí dís del'ona santa; Miěrculdi, Věnderdi y Sada de Cater-těmpora; la ueia de Pasca de Měi, de S. Piere y S. Paul, dela gran Sa. Maria, d'Ugnissánt y de Naděl; i Miěrculdis del Avěnt.


I dís ch' à na crěuš (†) ie-l pruibì de majě cěrn. 'L ie: duě i autri Věnderdis del añ.

I dís ch'à na stěila (*) ie-l pruibì de se pašentě plu de n' jěde al dí; 'l ie: i dís de Curěisma, těut òra la Du-měnja.

I dís da cian va ite ai 23 de Ġugio y va òra ai 24 d' Agóst.

Chest añ sarà-l da uděi na fir.sternus dela luna ai 12 de Měrz danter la 4 y la 6 da duman;

una del surědl ai 21 d'Agóst danter la 11 y la 4.



Ladins,

Messón tenì adum,
La fòrza vèn dal grum.

'N salut al calënder.

Te salude, blòt pitl calënder di Ladins,
Scrit per chëi de Gherdëina y si uġins!
Še bënche mò ġëun, de cater aňi permò zën,
'Mpò truepes t' aspjeta y te lieč vöre ġiën.


Še bënche de scrittura no mò drë franc,
Ai Ladins i ies-te drët enteressant,
Y ěi se ġòt a pudëi lieġer si rusnëda,
La rusnëda del' oma, dad ěi tan stimëda.

Ši, te salude mò n' jëde de cuer, tan plu,
Percie tu nes ès permò drët dešedà su.
Zën i onse dat 'n ġuant a nòsta rusnëda,
Še bënche vëlc minòva che la fos tòš finëda.

O no despezëde nòsta rusnëda, stimë-la
De cuer, teni-la al aut y bën cultivë-la!
La ie y nes sarà for de gran benedešión,
Percie mè cun chësta mategneronse nòsta naziòn.

Franz Moroder.





L' Union dei Ladins a Dispruc.

'L ie 'm pue' plu de 'n añ, che chesta union s' à metù adum. Ugni scumenciamënt ie rie; 'mpò òva chesta societé böle 'l prim añ 126 mēmbri. Te duta la valēdes ladines n-ie-l; che dlonc udòv-uḡ giēn, ch' i Ladins se dešēida ēnche y mēt man a laurè per si pitla nazon. Y cun legrēza pudons di, che n'ie for de plu, che se laša tò su tela Union. Danz, n'ie 'nce de chēi che uel savēi, cie che l' Union lēura y ch' aspieta a udēi, per chēl n' ies-i nia zapēi ite 'l prim añ.

Ma che l' Union fašesse böle 'l prim añ 'n drē gran lēur o gor dut chēl che la s' à tēu dant y che la ie per fē dò y dò segundo la statutes, chēl ne fòvā da aspità: che na gran soma à custā dut chēl che l' à messù s' argignē ite a scumencè: statutes, libri y d' altra scritures.

Nši nen à l' Union 'l prim añ mò nia pedù dē òra vèlc de scrit per ladin. Chest añ mandela a si mēmbri 'l Calēnder ladin per 1914.

Dò la stlōta sperienzes, ch' i Ladins y duč si amizi à fat cun doi zaites ladines ne fòv-el plu da pensè de 'n dē òra mò. Per chēl messons duč i savēi gra a bèra Sēpl da Passua, ch' à abù l' idēa de la purvè cun en calēnder. Trēi ani à-l ēl purtà la spēises de chesta publication; y zēn à pedù l' Union se tò sēura del calēnder a cundizions 'n tòc miēures che canche 'l fòva unì scumenciā dan trēi ani. L' Union pudrà da mò-in-la dē òra ugni añ 'l calēnder, y cul tēmp, še la cumpēida di mēmbri crēs šiche 'nfin-a-mò, 'nce d' altra scritures, mašima zaites. Per chēl vèn duč priēi d' i mandè tēl vōdla scritures, che trata magari dela storia de nōsta valēdes y che n' à plu degun auter valor, o d' i fē al savēi tēl stōries da zacan, šiche n-ie chest añ 'n valgunes tel calēnder: l' Union savrà da les adurvè dan che les vède perdudes.

J pensieres, ch' ie unii metui òra dal Calēnder y dal 'Union, n' ie stai de-bant. 'L ie böle 'nce unì dat òra na bibia per Gherdēina.*) Cumprē-la y ligē-la suēnz, dant al dut dašē-i-la da lieḡer a vōš mutons, ch' i 'mpèra a lieḡer plu sauri y mieč te si linguagio, vèlc ch' i entēt.

Y mò zōche: Segn. Engl à tenì la perdica per gherdēina 'l dí dela mēssa nevōla a Sta. Crestina; a duč ti à-la sapù bōla y ti à fa na gran legrēza a audì perdican per gherdēina, plu che š' i ēssa

*) «Pitla Storia bibia» data òra da Segn. Enghel Dr. Demetz y Segn. Giovanni B. Perathoner. Karl Riedmann, Lana u. St. Ulrich. S. umstehende Anzeige.

audi na bölišima perdica taliana. Segn. Engl à da 'l bon ešempio, d' autri à zën ênche böle perdica per gherdëina y 'l farà mò drët suënz, speronse. A duč messons i savëi gra ch' i va de si bona inant sula strëda ladina, sula strëda che va l' Union dei Ladins. Che 'l ie na cossa da udëi, che no 'l tudësc, ma bën 'l talian ie la revina y la mòrt dela rusnëda ladina: cialëde mè cò che la ie 'ncuei cun dí tel Furlan, tela Val de Nòn, t' Ampéz y a Faša: dlonc ie-l 'l talian che la vënc. Y l' Union dei Ladins ne uel avëi nia da partì cui Taliani; davia de chël: chi che uel vöster y restè Ladin, se laše scri ite tel' Union y lëure pöa a manteni y rassanè nòsta rusnëda, la rusnëda ch' i à purtà tan de fertuna a nòs besavons y che nes sarà de gran utl 'nce a nëus.

Cialëde cò che la ie tela Sbizera. Zacan fòv-el tel Tirol 'n tòc de plu Ladins che la-via. Ma chëi dela Sbizera à böle scu-mencià dan passa 300 ani a scri si lingua y per chël s' à-i cunservà si rusnëda y si idëjes nazionales mieč che nëus. Èi nes sibe 'n bon ešempio, èi nes sarà 'nce 'n bon artën contra i Tudëš y mašima contra i Taliani. Per chël à 'nce l' Union dei Ladins a Dispruc fa amizizia cum èi: la ie 'n relazion cul' Union dels Grischs tel Engiadin y s' à lašà tò su tela Società retoromantscha. Y cun gran legrëza à audi chëi dela Sbizera, che nëus Ladins del Tirol se dešedon ênche y che tegnon adum per varentè mò chël che pudon de nòs linguagio y de nòsta nazionalità.

Ma zën damanderëis: cie lëura-pa l' Union per nëus? Dant al dut, ons böle dit, pròv-ela d' abinë adum duč i Ladins, ch' i ne vëgne zapèi sot dal' altra nazions; y per chël da-la òra libri ladins. Y ce che uel di vöster y restè Ladins, chël èis böle pedù lieđer tel Calënder dal añ passà. Pò ie l' Union per gūdè te caši de gran bušën, mašima te malaties. Ugni añ da-la chël che la pò a tèi puere amalëi ladins che muessa gī te vël clinic; 70% de chël che vën tēu ite ie destinà per chëš fin. Y š' èis de bušën de 'n cunsëi de vël sort, gīde dal' Union o scrišë-i zënza tēma: la da giën cunsëi y 'l ie studiëi y dutores le-prò, che savrà da ve cunsëi.

Davia de chël dëssa ugnun che pò se lašë scri ite tel' Union dei Ladins; 'l costa pu mè doi crones al añ. Y š' un pò sauri, dëss-el diventè »Gründer«, 'l paja 30 crones un jëde per for. Y duč i Ladins, sibe prò l' Union o no, lëure per nëus: l' Union à na bibliotëca y abina duta la scritures de 'mpurtanza per nòsta lingua, nòsta stòria y nazionalità. Per chël mò n' jëde: mandë-i tël vödla scritures, fašë-i al savëi tël stòries da zacan. L' Union se pur-vëra de les adurvè 'l mieč che la pò.



An die ladinische Intelligenz.

Die ladinische Intelligenz, Professoren, Geistliche, Lehrer und Freunde unseres Volkstums werden ersucht, an den Aufgaben, die sich der Ladiner-Verein gestellt hat, eifrig mitzuarbeiten. Die Aufnahme und Festlegung unserer Mundarten ist noch lange nicht abgeschlossen. Insbesondere sind die Orts-, Hof-, Berg- und Flurnamen zum größten Teile nur mangelhaft aufgenommen. Die Bräuche unseres Volkes, die schönen Sagen unserer Väter sind wenig bekannt. Wir haben in dieser Hinsicht gute Vorarbeiter gehabt: den † Prof. Dr. Alton und jüngst Dr. Vittur für Enneberg; den Schriftsteller W. Moroder-Lusenbergh für Gröden; für Fascha arbeitet Herr Hugo von Rossi.

Besonders wäre eine Sammlung der ladinischen Tier- und Pflanzennamen zu begrüßen, ferner eine solche der Haus- und Feldgeräte, die schon auf dem Wege sind, wo möglich durch maschinellen Betrieb verdrängt zu werden; hier könnte sich ein Zeichner große Verdienste erwerben. Soll ein mundartliches Wörterbuch vollständig werden, so müssen ihm Zeichnungen beigegeben werden. —

Endlich ergeht an alle Ladiner, besonders aber an die von Enneberg, Buchenstein und Fascha die Bitte, zur Schreibweise, wie sie im Kalender versucht ist, Stellung zu nehmen und an der Hand der Texte, in denen heuer alle vier Täler vertreten sind, ihre Ansichten in bezug auf die Schreibweise darzulegen und dem Ladiner-Verein einzusenden, um endlich die Festlegung einer allgemeinen, einfachen Schreibweise zu ermöglichen, die ja die wichtigste Vorarbeit für ein gedeihliches Wirken auf literarischem Gebiete ist.

Den bisherigen Mitarbeitern des Kalenders sei hier der wärmste Dank ausgesprochen, vor allem dem Verleger desselben Herrn Josef Runggaldier. Sehr wertvolle Beiträge lieferte uns Herr Altbürgermeister Franz Moroder: er zeigte uns, wie viel Unbekanntes in unserem Volke noch zu entdecken ist. Folgt seinem Beispiele und sammelt und liefert Beiträge für den Kalender, der für 1915 in größerem Umfange und vielleicht mit einer wissenschaftlichen Beilage erscheinen soll, wenn es die Mittel erlauben. Alle Beiträge sind bis 1. Mai 1915 an den Ladiner-Verein einzusenden.

Innsbruck, im August 1913.

Der Ladiner-Verein.





Tiroler Volksbund.

J Tudëš y Ladins à da fè na rie batalia per manteni si nazionalità y si pušions tan grandes ch' i les òva da yödlamënter tel Tirol, che s' à fa tan suënz gran unëur tela storia. Da vint o trënta ani inca pròva na pèrt de Talians del lönt, gūdèi mò 'nce 'm pue' dal' Jtalia, de 'mplantè la lingua taliana for plu insu y de fè lueš taliani òra de nòsta pušions. Ò, 'nce contra nòsta pušions — i diš, che nòsta rusnèda n' ie nia per sè, ma mè 'n dialèt talian — mēin-i batalia y 'l fòva gran ěura d' i mēter permōz a chesta intenzions, ch' ie 'n pèrt nce contra 'l rēgni de nōš Cōser, 'n bon parēi.

Šiche savēis, s' à 'l Tiroler Volksbund, che 's à metù adum del 1905, šiche d' altra unions tēu dant de laurè cun duta fòrza de-contra ala intenzions de nes fè taliani. Èl ie 'nce sta bon de giatè gēnt d' ugni partida, segnēures o paures, riches o puereš, prōvēš o d' autri, d' i abinè adum per salvè la nazionalità tudēša y la ladina contra la 'ntenzions di Jrrredientisč, che uel fè dela pèrt dè-sot del Tirol na provinzia taliana »Trentino«. Y še duč chiš tēn adum, sarōns 'nce boni de fè, che 'l Tirol ne vėgne nia parti y rōste per l' Austria na sève contra si nemič, ma mašima, ch'i Ladins ne devēnte taliani.

Che dò la statutes muessa 'l Tiroler Volksbund zapè ite per la nazionalità di Ladins y per si 'nterès nazional drē tan che per i Tudēš. Mēi ne penserōns d' ulēi fè Tudēš òra de chesta nazon, ch' ie for stata sun nòsta pèrt.

'L Tiroler Volksbund à zēn 300 sezions spartides dlonc òra, 'nce Tudēš y Ladins òra del Tirol pō uni tēuč su, 'l à sezions te duta la provinzies del' Austria y 'nfina mèi tel' America.

Duč i amizi del Tirol y de si gēnt, la gēnt, ch' a chi tēmps de meseria, che la Germania y pèrtes del' Austria messōva stè sot al cumando di Franzēuš, à teni adum uem per uem, sibe Tudēš o Ladins, y ie gīč tela viēra contra i furōsti, ch' ulōva vōster patrons de nòsta bōla valèdes, duč vēn priēi de gūde pōa cul Tiroler Volksbund, a dè vèlc per n' jēde o a se lašè tò su per for.

Dant al dut priōns inō nōš Ladins de se recurde, ch' on dagnēura purvā de manteni si nazionalità y si 'nterès, de zapè ite te nòsta cumpagnia per des-mustrè, ch' i ne se laša piē dai Taliani, ch' i fēš 'l bōl per i fè Taliani, ma ch' i uel anzi teni da nēus Tudēš; Ladins y Tudēš ie for stai i patrons del Tirol.

Per uni tēu su tel Tiroler Volksbund paja un' al manco l crona. Še ne s' abina te 'n luec al manco 10 mēmbri per fè na sezion, dēss-i se nunziē y mandè i grōš al Tiroler Volksbund a Dispruc, Fallmerayerstrašè 12.

Sperōn de-segur, che ne liğēis chesta parōles de-bant.

'L Tiroler Volksbund.

J Romaunč, noš frèdes tel Sbizera. (Graubündner.)

Tel calēder del 1912 sun pèrt 34 y 36 vëgn-el rusnà di Ladins del Tirol, de noš frèdes tel Sbizera y tel Furlan. Mbēn di Ladins dela Sbizera ue-i ve cuntē 'm pue' de zöchē.

Se se senton a Maran sula ferata y gōn 'n doi ěura y mōza su per la Finčga, ula che η' rusnōva mō nia tan da giut ěnche ladin, še ruvonse ala stazion Schluderns-Glurns. Tlo dessentonse ġu, passon trēs la pitla vōdla zitā Glurns y pion a man ciāncia ite per na tēl pitla val de viērs dela Sbizera. Dō 'n tōc de strēda tan lonč che da Pruca a Urtišēi passons 'l cunfin del' Austria. Y pernanche son tel Sbizera nes pēr de vōster pra Badiōč, davia che audion saludān: »Bun di, signur! Buna saira! Šta bain!« Y 'nšī via. Nēus son tel Val Müstair (Münstertal) del Chantun Grischun (Kanton Graubünden) che ie abitā da zirca 40.000 Romaunč, che nēus Ladins del Tirol y mašima i Badiōč 'ntēnt nia ěrt. Dela Val Müstair pudons passē la mont del Fuorn (= Fëur-Ofenpaß) y revē tel Engiadin y pō cula ferata tel valēdes del Rein posterior y del Rein anteriur (Hinter- und Vorderrhein).

J Romaunč dela valēda del Inn, che l' abitōia dala funtana 'nfin Punt Martina (Martinsbruck) sul cunfin del Tirol, se tlama cun chēi dela Val Müstair y de Bravuogn (Bergün) Ladins. La lēnga del' Engiadina bassa, che ruva 'nfina Susch (Süs) ie 'm pue' autramēnter che chēla del' Engiadin' ota. Tel parlē de Bravuogn y de Val Müstair ie-l ěnche na pitla defrēnzia. J abitanč dela valēdes del Rein posterior y anteriur se tlama per drēt i Romaunč, che nēus Ladins del Tirol stenton plu a 'ntēnder. Ma 'nce chiš ne rešona nia duč unfat. Fossa chēi de Filisur, chēi de Chiastē (Tiefenkasten), chēi de Schom (Schamsertal), chēi de Sutselva (Niedwaldisch), chēi de Flem (Flims) y chēi de Surselva (Obwaldisch). Duč chiš rešona 'm pue' autramēnter.

L' Engiadin.

J primes ch' à scumenciā a scri 'l romaunč y a dē òra libri te si linguagio ie sta chēi del Engiadin de-sēura, ch' ie 'nce restēi 'nfin al dī da 'nuei i miēures de tēsta de duč i Romaunč. Bōle 'ntēur 'l 1527 publicōia Joh. Travers la »Chiantzun de la guērra de Chiastē da Müsch.« Chesta ciantia à 'ntēur 700 rimes y conta dela viēra che ti fašōva a chēi tēmps 'l castelan da Mussō (da uġin dal lēc de Como) ai Engiadins (Müsserkrrieg). Canche i Romaunč ie diventēi dan 'n 350 ai adōs duč protestanč, à dat òra J. Bifrun da Samedan del 1560 la bibia »Nuof Saunc Testamaint«, duta 'n ladin. Pō scriš Durich Chiampel da Susch »Un cudesch da psalms« (= Liber da salmes) y prēst vëig-uŋ ġan man per man libri de dutrina y

de devozion protestanč y catòlici assè, duč scrič 'n ladin.. 'Nsi dur-ela 'n doi cënt ani, pò zöd-i; 'n cënt ani ala longia naš-el plu puec de nuef. Ma 'ntëur 1840 scumënc-i inò a se mueyer. La »Societad per la meglioraziun dellas scuolas publicas« da òra »'L prim cudasch da scuola« y plu tèrt »'L cudaschet«. 'Nsi scumenci-ur a 'nsegnè 'l ladin te scòla. Ti doi primes ani de scòla vegn-el 'nsegna mè 'n ladin, pò scumënc-i a 'mparè 'nce 'l tudësc y tel setimo añ vegn-el purtà dant mè plu per tudësc. Del 1885 ie-l uni fundà la »Società retoromauntscha« che da òra ugni añ si »Annales«, 'n blòt pitl liber cun stòries, rimes, vites di uemes 'mpurtanč del Grisun y lèures 'nteressanč de gënt studièda. Zaccaria Palliopi à dat òra cun si fi Emil 'n bøl gran liber dala paròles (dizionar) romaunč-tudësc y tudesc-romaunč »dels Jdioms d' Engiadin' ota e bassa, della Val Müstair, da Bravuogn e Filisur.«

Del tēmp nuef à scumencià a fè rimes Conradin de Flugi da San Murezzan (St. Moritz), mòrt del 1874. Ma plu cunešui ie Simeon Caratsch da Scianf († 1892) y Gian Fadri Caderas († 1891). La cianties del aucat Andrea Bezzola da Zernez († 1897) vèn ciantèdes drèt suēnz dal pòpul engiadin. Del 1910 à publicà Peider Lansel »La Musa ladina«, ch' ie na racòlta de rimes y cianties ladines cun na »cuorta survista da nossa litteratura poetica«. 'N drē bøl liber che fēs 'nvidia a nēus a 'l lieger. Chest añ ie-l uni dat òra na »Grammatica ladina d' Engiadin' ota« da Dr. phil. Ant. Vellema.*)

Dan cìn ani ie-l uni fundà »L' Uniun dels Grischs«, ch' ie per abinè adun duč i Romaunč a cēsa y òra de ca per salvè y cultivè si linguagio y dè òra libri ladins. La »soprastanza« ie a Scuol (Schuls), ma sezions à-la t' ugni mađer luec y 'nce tel' Italia, ulà che se tēn su šaldi Ladins. Chesta union cumpedòva bōle l' añ passà 1793 membri. La dà òra ugni añ »Il Chalender ladin« y »Il dun da Nadal« ('l don da Nadèl), 'n pitl liber per i sculējes dala terza clas 'nsu, y fēs ugni añ na fōsta nazionala.

Rein posteriuir y anteriur.

J abitanč del Engiadin tlama i Romaunč de chēsta doi valèdes suēnz la »Part sura«. Zenza i diš-ur 'nce 'l Surselvan dò 'l linguagio dela maģera 'mpurtanza.

Chiš à scumencià a scri 'l Romaunč 'n 80 ani dò chēi del Engiadin. Si primes libri vèn dač òra 'ntëur 'l 1610. 'L ie 'n liber dala dutrina protestant y un dala cianties de dliesà, scrič da Steffan Gabriel, natif del Engiadin de-sot, ma ch' òva 'mparà 'l Surselvan come pastor d' anes a Glion (Ilanz). N' añ dò da òra 'n Talian, Gion Antoni Calvenzano, ch' à 'mparà 'l Romaunč, 'n liber dala dutrina catòlic. Ti autri cënt ani dò udòv-ur suēnz libri nueves, libri da mēssa, de devozion, da salmes y cianties de dliesà; pò paussa 'nce chiš 'n cënt ani ala longia. Ntëur 'l 1810 se mešèid-i

*) Pries: 4 Francs, dat' òra per tudësc 3 Francs. Orell Füssli u. Co., Zürich.

inò. Vèn scrit libri da scola y per la giuventù per Romaunč. La publicacions del' èutoritèjes (de sugneria) vèn ènche fates tel linguagio del luec y 'n giapa suènz traduzions dal tudeesc da lieger. Stories, fabules y cianties vègn-el dat òra y plu tèrt scriš 'l professor Tuor »'L nuov dret civil svizer« (= la lōge dela Sbizzera) 'n Surselvan. Po vègn-el fundà la »Romania«, na union de studièi catòlici che dà òra ugni aň »L' Ischi.«*)

Na grandisima 'mpurtanza per duč i Romaunč à la zaites. La primes vèn bōlē dates òra del 1836. Al dí da 'ncuei vèn šaldi lietes:

»Fögl d' Engiadina« publicà a Samedan dal 1857 'nca.

»Il Grischun, favoreivel organ de publicaziun dellas Vallades renanas e dil Plau«. Chur.

»Gasetta Romontscha da Mustèr« (= Disentis), ènche dal 1857 'nca.

Fossa mò da di che tel Grischun vèig-u7 dlonc la scritures sula cèses, sula scòles, ustaries y butèighes te si linguagio ladin. Pudessan ence nēus se 'nfidè a scri su i inuemes de nōsta cèses per ladin per mèter su d' ugni sòr d' inuemes tudēš, che la maģera pèrt ne sa 'nce cie ch'i uel di no. Ši, i Romaunč nes pudēssa vōster de bon ešèmpio te trupea cōsses. Èi ama y stima si linguagio y ne ti sa nia massa stlōt a rusne 'nce òra dela patria te si linguagio arpà da si umans. 'N uem de Chur, 'n zèrto Benedict, òva purtà dant n' jēde de rumè su tōš cun cheš rusnè mōz salvère che ie mè drē 'ncòmper. Ma Caratsch, 'l gran poeta, ti òva respondù:

Sún nos Romauntsch da mòrt sentenza

Un tel a Coira pronunziet,

Ma cunter simil 'prepotenza

L' inter chantun as sollevet;

Da 'l conserver ais nossa bramma,

Un figl nun po mazzer la mamma.**)

Y n' auter poeta diš:

Vegls costümes e pled ladin

Redscher possan sainza fin.***)

Vo de Gherdèina, de Badia y de Maròbe, de Faša y Fedom, teni-ve a-mènt chesta paròles, tenide cont de vōš vōdl linguagio arpà da vōš besavons y ne scutēde su a chi Taliani che uel Ve fè dant, che 'l ie mè 'n dialèt salvère talian, per ulēi Ve-l tò y Ve fè Taliani, šich' i a bōle fa cula maģera pèrt de Flēm, t' Ampèz y tel Furlan. 'L talian ie la mòrt del ladin! Ušöp Antòne Comploj.

*) 'L Chantun Grischun s' a fundà òra dela »trais lias« (»Die gmein dry Bünd«): Graue Bund, Gotteshausbund, (per se defènder dal grof d' Absburg) y Zehngerichtebund; 'l Graue Bund messōva uni ġurà dal 1424 'nca ugni 10 ani da nuef. Cheš ġuramènt univa fat a Truns sot a 'n gran »Jschì« = Ahorn.

**) Un da Chur à fa la sentènza da mòrt sēura nōsta rusnèda; ma contra na tēl prepotēnza s' à arlevà dut 'l cianton; de la manteni ie nōsta volontà: 'n fi ne pō mazzè l' oma.

***) Vōdla usanzas y rusno ladin .

Po durè zēnza fin.

Trëi maöstri, ch' à fa de gran bën per Gherdëina.

Josef Metz.

Našù te Palua a Sta. Crestina, de gënt de Bucinèa, ai 30 de Novèmber del 1823 y mòrt a Urtiśëi ai 20 de Guni del 1911, cunešù sot al inuem Segnëur Ugrister o 'nce Segnëur Beppo, ie-l stat per Urtiśëi 'n uem de 'mpurtanza y de gran merit, tan per si capazitëjes che per 'l tēmp extra lonc de 57 ani che 'l à servi tan bën da maöster y da ugrister.

L' añ 1840 ie-l gīt a Bulžan a scòla;*) da iló del 1841 per 'n valgùn mēš a Trēnt y l' añ 1842 ie-l bōle stat adjunct de scòla, mēune y ugrister a Montán sēura Naimòrc; l' añ 1843 à-l fat a Bulžan l'esame da maöster, dò che 'l fòva bōle stat metù l' inviērn 1842/43 maöster a Urtiśëi, ulá che 'l ie pò for stat 'nfin-a si mòrt.

Segnëur Beppo ie stat 'n bon maöster y òva gran amor y fašòva dut 'l flais per adempi chēs rie mestier; še bēnche de tēmperamēt šerio y plēn de festidēs y de lēur y še pu che 'l òva da pati šaldi dal mēl de cē da gēun, fòv-el pazient cun si sculējes, mēi stuf a se purvè de 'nsegnē, y gach' i sculējes udòva, ch' ēi i stašòva a cuer, 'l stimòv-i 'nce ēi y se temòva de no fē drēt. — Segnëur Beppo fòva de bon cuer, devòt y giust, pò pudēis giudichē, tan de bën che 'l à pedù 'mplantē ti cueres de tan de pitla gēnt cun si bōna 'nstružiōns, si 'nsegnamēnc y si amuniziōns te si vita longia; emaginē-ve, che te si ultimi ani pudòv-el dī: »Duta la gēnt d' Urtiśëi, òra di pueč vòdli sēura i 70 ani, ie stač mi sculējes.« —

Segnëur Beppo òva na bōla scrittura, fòva bon de conč y savòva 'nce drēt bën 'l tudēsc, y pervia de chēl òv-el 'nce for da scri per gēnt, per cōsses de sugneria y d' autres. De bon merit ie-l unì fat l' añ 1892, dò 50 ani de servizio, »Ehrenbürger«, d' Urtiśëi, bën 'l prim a chēl che 'ŋ i a fāt 'n tēl unēur tlo. Del 1894 i ie-l pò 'nce unì dat dal Còser la crēuš d' argēt cula corona y Urtiśëi i à fat na bōla fōsta. L' añ 1897 ie-l gīt 'n pension y l' añ 1898 à-l recevù la medaja d' unēur per 40 ani de serviš.

Còme ugrister fòv-el tlo 'ntēur 'l miēur de bater l' òrghen, 'l òva 'n chēr fin y talēnt de mušiga y cun en flais y 'n lēur tēmēt à-l 'nsegnà gu tan de ciantarins, ciantarines y musicòntri y cun de pitli mitli òv-el metù adúm tan na bōna mušiga, che la fòva recunešuda per la miēura al pèrg lonč y lèrc; 'l à 'nce

*) 'L cuntòva, che si père, che n' ulòva nia, che 'l gīs a Bulžan a scòla, i òva dat 'n scarnuz de, nioc arestii pōa y che chēl fòva dut cie che 'l òva giapà da cēsa.

suënz metù sēura 'nstēs de bieì pōč de mušiga; y mò te si ultimi ani sunòv-el mieč l' òrghen che truep ugristri gēuni, še bēnche 'l òva cater dēič stares y pudòva mè plu sunè cun trēi dēič per man.

Truepišimi ani ie-l stat fatór dela dliesā, truep ani à-l scudì la chēuta y giut ie-l stat Obmann del Zweig-Verein Urtišēi del Roten Kreuz; y al' ucašión del giubilèo di 60 ani del règno de nòš Còser, 1908, à-l giatà 'nce la crēuš d' òr cula curona y ie-l inò unì fat na bōla fōsta a Urtišēi. Èl fōva stat un de chēi ch' òva metù su la Bolzschützengesellschaft 'l dedò di ani 1840 y ie stat truep ani Oberschützenmeister.

Segnēur Beppo fōva aricēul sparagnēnt, na pèrt ēssa bōlau ulù di dala varizia; ma a messēi trē su na gran familia cun chel puec che 'l trağòva, y a ulēi la menē inánt, ie-l stat acòrt a cialè de dut y 'n gran utl per i sici y truepa d' autra gēnt, che 'l à gūdà da-in-òra; y še bēnche 'l arà minechie messù pièrder de si gròš, à-l mpò mò lašà na gran facultá. 'L ie 'nce stat paur, 'l à abù giut 'l luec da Pincán, che 'l òva cumprà, y 'm pöz à-l abù 'l luec de Dòs y pò 'l luec de Ronč de-sot a fit.

Šebēnche pitl de statura, fòv-el de bon nièrf, ghèrt y asvòlt, che degún ne se-l paròva da gēun a gètè al brač; ugni sief fòv-el bon de sauté de 'n sbalz o 'nce a pieš gōnò; y de gēi ie-l for sta bon; cun passa 70 ani ie-l mò gīt sun Sas Rigais y del 1898, cun 75 ani, à-l mò fat cun d' autri da Urtišēi 'l viač ti lueš sanč (a Gerusalem etc.).

Segnēur Beppo s' à maridà doi jēdeš: del 1846 cun Anna Maria Senoner da Mauriz, mòrta l' añ 1862; y del 1877, canche duč si mutóns s' òva maridà y che 'l fōva restà sēul, à-l tēu la vėidua del sartēur, Madalena Vinatzer, mòrta n' añ dan èl.*)

Segnēur Beppo à abù 12 mutóns, fōva nēine de 79 y besa-vón de 29 y ie stat 'n uem che merita de 'l nunziē y de 'l tenì 'n bōna memòria, percie a pueč i cunzòt chel bel Die na vita tan longia, pueč mēt-el y laš-el tan giut te 'n stato de na tēl 'mpurtanza y mò mancù uel y ie boni d' adempi tan giut tan bēn si òbligbi publici y de familia, davía de chēl „Unēur a chi toca Unēur.”

Franz Moroder.

*) 'L cuntòva datrai, che 'l dí de si prima nōza fòv-el mò sa Maidl te liet che 'l durmiva, cancel' i sunòva ala nevicia; 'l òva messù se spazè da-sēn y a sauté gū per pra da Snetón s' òv-el perdù 'l ciòf nevicè, ch' i òva permò giapà dal siē fēn.

Franz Insam.

Bên duta la gënt da tlo, no mè da Sta. Crestina, ma 'nce da Urtisei y de Sëlva, da Bula y da Sacun à cunešù Segnëur maöster y ugrister da Sta. Crestina, per 'l plu mè numinà »Bera Franzl«.

Segnëur ugrister bèra Franzl fòva našù ai 12 de Setëmber del 1831. 'N bravo studënt pudòva a chèi tèmps bòle tèm̃p de doi ani diventè maöster. Ağache 'l òva 'n drè' bon cè, à 'nce bèra Franzl mè abù drè de studiè doi ani a Bulžan, dal 1848 —1850. Dò chēs ie-l bòla diventà maöster y ugrister da Sta. Crestina. Ma danz che 'l giapòva come maöster mè 48 rainēs al añ. Per auter fòv-el 'nce cun cheš puec n' jède per 'ntant cuntènt, ağache 'l se davagnova mò for 'nce cul ziplè vèlc danter ite. Ma 'ngali, per manteni dègnamènter si familia, à-l 'mpo mò ulù gī del 1865 a Persenon a fè 'n esame per giapè pòna 200 rainēs al añ. Dò y dò ie pò for unida auzèda si 'ntrèda; ma per chël ziplòv-el y à-l ziplà mò for 'nši danter ite fin te si ultimi dīs. Del 1906 à bèra Franzl lašà de fè 'l maöster y ugrister. Da 'nlèuta 'nca fina si mort à-l tra duta la pension, che 'l s' à segur drèt bèn merità a vöster sta 55 ani de plèn maöster y ugrister for tel medömo luec, a Sta. Crestina.

Del añ 1857 s' à bèra Franzl maridà. Dò 'nlèuta ies-i vivui dui doi, bèra Franzl cun si fèna anda Stina, plu de 50 ani 'mpralautèr. Davia de chël a-i pedù del 1907, dui doi mò drèt boni, 'nton y de rion, zelebrè la nòza d' or. Pra chēsta ucašion ie bèra Franzl 'nce diventà »Ehrenbürger« dela chemuns da Sta. Crestina y de Sëlva. Dò chël ie-l mò vivù 4 ani y ie pòna ai 4 de Faurè del 1911 passà via 'n l' auter mont per se lašè premiè da Jdie per duta si fadies, duč si lèures y si merič. 'M pue' plu de n' añ dò ie 'nce mòrta anda Stina, si fèna, ai 30 de Mèrz de 1912. Chēsta ie la vita del bèn cunešù Segnëur maöster y ugrister bèra Franzl.

Y zèn mò 'n valguna paròles de si lèur y de si merit. Che bèra Franzl s' à purvā de fè dut 'l pušibl per trè su de bon sculèjes, chël messerà duč dī. No mè a lieger, a scri, a fe conč y 'nsi via 'mparòv-uṛ drèt bèn da bèra Franzl, ma 'ṛ pudòva 'nce 'mparè bèn-debò šaldi de stòria bibia dad èl. Dò la rata ie gīi trupes de si sculèjes a studiè y ie diventèi vèl 'de plu, sibe pròveš, duttores, maöstri o 'nši via. Y chēs ie segur ènche 'n segni, che bèra Franzl fòva 'n bon maöster.

Pò cie che bèra Franzl s' à purvā y à fat per la mušiga de dliesā y ala lèrgia, chël sa chēi ch' à 'mparà dad èl a sunè o a ciantè. Tan de nòtes che 'l à scri y tan de ròbes che 'l à 'ngignā per la mušiga, tan de strumēč che 'l à cumprā y tan de pròves che 'l à teni, aciò che 'l ciantè te dliesā y 'l sunè ala lèrgia vède for bèn, chēs sa mè da dī duč chēi che 'l à purvā.

Ma bèra Franzl fòva 'nce 'n pèrè de familia sìche toca y per bèn. Bòl a-benëura à-l abù cura de mèter si fions a se 'mparè 'n èrt de vèl sòrt. Bèra Franzl ulòva che duç si fions 'mparèsse vel' de drèt, acio ch' i fosse boni 'ngali de se davagnè 'l viver saurì no mè per sè, ma 'nce per si families. Y 'nši ie-la 'nce stata.

Bòl 'n curt: Bèra Franzl ie sta 'n uem da unerè y da stimè, sibe còme maöster, còme ugrister o còme pèrè de familia. Y davia de chël se recurderonse nëus 'si sculèjes, mò giut ala longia de nòs bravo maöster bèra Franzl, che à for mè ulù nòs bèn del' ana y del còrp.

Caplan de Sëlva Engl Comploj.

Franz Waldboth,

'l tèrzo de chiš maöstri de Gherdëina, ch' à fa' tan de bèn per nòsta val, ie mò 'n vita y cun si 84 ani mò vòre bon y de rion.

Bèra Franzl ie našù del 1830 tal Sartëur te Sëlva. De Gherdëina òra ie-l ġit a Tluses a scòla; per studiè pò plu inánt à-l messù ġi a Bulžán y da iló ie-l revà a Persenón, ulá che 'l à finà si studi y ie nce' stat 'm pöz a tenì scola tela Übungsschule per n' auter maöster, che fòva amalá.

Tel tèmp de si studi, del 1848 s' à-l nunzià de si bòna a ġi tela vièra contra i Taliani; i fòva 127 de Gherdëina pra 'l Landsturm, per 'l plu da ca-ite, mè 'n valguni da Urtišei. Trèi jèdes, un jède a Primolano y doi jèdes plu in ġu, ie-l revà tela batalia cui Taliani.

Dò la vièra ie-l inò ġit a Persenón a finè si studi y ie pò stat 'n añ iló a tenì scòla; doi ani ie-l pò stat a Urtišei maöster y pò ie-l revà te Sëlva y ie for sta iló. 52 ani à-l tenì scòla 'n dut. Te Sëlva fòv-el 'nce uglister y mēune y messòva laurè šaldi per pitl pajamēt. Y 'mpò l' à-l tenida òra 'nfin del 1905, òva mò familia da manteni, — 'l s' à maridà doi jèdes, si segunda fēna ie mòrta chest añ — y ulòva mò 'nce cialè che si mutóns 'mpère vèl de drèt ch' i èbe saurì da viver. Del 1905 ie-l pò ġit 'n pensiòn y da 'nlēuta 'nca sta-l d' invièrn a Maraň te 'n miēur clima; ma si patria ne pò-l 'mpò no se desmencē y d' insta vėgn-el ġiēn 'm pue' al frēsc.

Bèra Franzl ie sta 'l maöster de doi generaziòn; ġēnt de passa 70 ani ie mò ġiç dad ēl a scòla. Še bēnche i maöstri da chēi tèmps ne s' en stašòva massa bēn, n' à-l ēl mēi perdù la pazienza cui sculèjes y la ueja a si lēur, fòr à-l laurà y 'nsegnà cun zēlo y amór; y per via de chēl s' à-l metù a cunēšer bēn y a savēi nēut si sculèjes. Te curt tèmp savòv-el dà dí, š' un' à'n bon cē o no, še 'l à la bōna volontà de 'mparè; mēi ne s' à-l falà. Ēl savòva dagnēura, ce sculèjes che 'η pudēssa magari mandè a studiè; y 'n vòdl maöster de Bulžán dišòva a chēi ani, ch' i miēur

sculèjes giat-el òra de Sëlva. 'L ie 'l merit de bèra Franzl, che la chemun de Sëlva à abù 'nlèuta 'l plu studènč, de plu che Sta. Crestina y Urtišei adúm. N-ie stat na bòla lingia dai tēmps de Segn. Antòne da Fussèl encà, che ie ġiç a studiē, l' à menèda inánt y ie diventèi prövesh, dutores y tan d' autri segnēures, che pò se-la dè bona. Y de chël muess-i rengraziē dant a duč bèra Franzl; èl se 'ntendòva di sculèjes y savòva da cunsiē ai genitori, ce che si mutóns pudèssa diventè. Chēs ie 'l sēgni plu segur, che 'l fòva 'n bon maöster.

Dal Cöser, dal statò y dala chemun ie-l 'nce per chël unì laudà y unerà. 'L à giatà la medaia dela vièra che 'l a fa pòa; 'l à giatà la medaia de merit per si servizio y pò la crēuš d' argēnt cula curona; del 1901 ie-l unì numinà Ehrenbúrger dala chemun-de-Sëlva; y gor-a-Maran ie-l unì tēu su tela Cumpagnia di Veteraneri del 1911. Y la stima, l' amor y 'l gra de duč si sculèjes i sibe ēnche mò na cunsulazion y ti fēse legrēza te si vödlì dís.



Fertuna.

- I. La plöces giata 'l lēn d' anšuda,
D' autōñ pò tom-les dutes ġu;
La rama rōsta bōl desnuda,
'L lēn bōl sēc 'mpona-su.
- II. 'Nši l' ons nēus sul mont cul cuer:
'Nce iló la fueja crēs y toma
A duč: al ric y ēnch' al puer,
Al ġēun, al vödl, al père, al' oma.
- III. Fertuna se tlama na sòrt de sta fueja,
Al' outra dulēures y mèi i dišóns.
Ma recòrde-te, for aróns plu mueja,
Dulēures, mèi y dešunións.

T. P.



La curtina.

- I. 'N grum de crēušes vëig-uŋ dlone,
De pitles, de grandes y 'nce de mesanes,
De sas, de fiēr y mò plu de lën,
Dutes metudes per recòrt dela puer-anes.
- II. Te 'n piz 'n vëig-uŋ na pitla, stlōta,
'L fëš presiòn y mèl al cuer,
Tan burta semōi-ela y tralašëda:
Ch' la crēuš ie segūr metud' a 'n puer'.
- III. N' outra tela prima lèrc y lingia,
De sas, superbia, — semōia 'n pavon;
Se laša mirè da duta la gënt:
Ch' sta crēuš ie segūr de 'n gran ricon.
- IV. 'Nce je son' pitl y mèl udù,
Mè me metrà-ŋ dala pitla pèrt,
Y a chel gran ricon tla-su
Metrà-ŋ 'n sas tela prima lèrc.
- V. Ma ne te fè mè nia da-in-òra,
Še t' ies puere, mè-drē no bradlè,
On duč na fòssa scura y strēnta,
'L gōva puec a se lamentè.
- VI. Še t' ěsses 'mpò de na crēuš sun fòssa
Dut l' añ adòs 'n gran dlacion,
Per chël te fëš 'mpò 'l surēdl,
La luna y la stēiles la luminazion.

T. P.



'L pëtler.

- I. Me tulës-pa pu Idie dal mont,
Pò ěss-i al manco pëš y ghenèda
Dò cheš viver plën de mesèria,
Je puera persona desfurtnèda:
 Mustrède pietá
 De mi puvertá!
- II. L' añ passà m' ie mòrt mi père,
L' oma n' è-i bōl' giut no plu,
Parēnč, cunešēnč, frēdeš o suráns
N' è-i mèi abù no cunešù.
 Son dlone udià,
 Da duč schivà.

III. Muesse durmì suvènz ala lèrgia,
 Per 'l plu drèt stanc y plèn de fam,
 Zitran da frèit y mèl furni;
 Èss-i pu 'al manco 'm pue' de pan!
 'L vöster puer,
 Fès mèl al cuer.

IV. Per la limòšina, cèsa per cèsa,
 Muess-i priè bôlau me temàn;
 Ve-l dişe, segúr, 'l ie burt y crudöl
 A gî per la vita zitran y bradlàn.
 Cie è-i-pa fa,
 Puer' desfurtenà?

V. Š' Idie me lašes-pa pu muri,
 Pò èssa segúr mi dulëur na fin,
 Pò n' èss-i plu drē' de messēi patl
 Y diventēsse cuntēt de fin.
 Che la devēnte 'nši
 Prö-i ugni dí.

T. P.



La stolza.

- I. Na muta gēuna, te stua
 Sta-la pra penič da ziplè,
 Plēina de riedá y de mueja,
 Dut mata dò 'l maridè.
- II. Al prim ch' ie ruà a mutáns
 Ti à-la dat 'n cestón,
 'L fòva true' massa pitl,
 'Nšuma massa pue' bon.
- III. 'L segundo pò ch' ie uni
 N' à-la ulú drē' giut;
 A 'n giatè zēn 'n terzo
 Se dur-ela bōl del dut.
- IV. Recòrde-te, bur mus muele,
 Še t' ues te maridè,
 Ne dausses vöster stolza:
 Te muesses te cuntentè!
- V. Še 'l fossa 'nce pitl y stlöt,
 Muesses 'mpò mè 'l tò,
 Nia dagnëura 'n mieur
 En giates magari dò prò.

T. P.

Ĝuebia grassa.

(Ciantia.)

- I. 'Ncui Ĝuebia grassa, 'n plu bōl dí!
A rubè l' ola 'n mēur ie per ĝi.
Drè' anda Bōta à metù sēura,
Ie ĝita ĝun stala a mēuger la cēura.
- II. 'L mēur sun tēt s' à sgraflà su,
De n' auter viērs nen à-l pedù.
Se laša cun na cōrda zēn ĝu per ciamín,
Che brèa y ciamēiša vèn da fulím.
- III. Ĝu dela segosta se tōl-el zēn l' ola,
Malán de cuiērtl a fonz ti berdola.
Ne sa cò s' en dì, 'l ie dut mò tan fiērs,
La va de piē via y mucè de vèl viērs.
- IV. Giauriàn ugni uš a chiet y bōl plan
S' en cram-el da pòrt' òra , l' ola tela man.
Zēn bēis-el da mat y dut a pieš ĝonč,
Se strèva la panicia, che la spriza plu lonč.
- V. Cun na prēša pò ruv-el a cēsa spavēnt,
S' en crama te 'n piz, bēn dut da cuntēnt,
Stravàn sēur-òra mo dlonc la panicia,
Che fonz y parēi da ont pròpi stiza.
- VI. En tōc de ciērn drēt bēn sfumià
Ĝa-pō del' ola ti ie mò restà.
Se-l rafa bēn ĝu cun na drēta gran sēur,
I dēič se lōch-el trēi jēdeš entēur.
- VII. Cul' ola, se 'mpēns-el, ce ue-i-pa fè,
La ue inò zeruc a Bōta purtè,
Cialè de revè bōl a chiet te mašón.
Scuender l' ascuendes, chēl ès reĝón.
- VIII. 'L mēur se tōl inò l' ola y va,
Te 'n bōt ie-l bōle pra cēsa revà.
Su sun funōstra se trapin-el bōl plan;
L' ola ti sbriša zēn òra dela man.
- IX. 'N stlindernamēnt y na fuera da mat,
Dutes fruzèdes, scudōles dal lat!
L' ola berdola cun en drè' tumblamēnt
Ĝu te mašón de Bōta termēnt.
- X. Zèra mò pōa tèi banč y tèi stuei,
N' ola bōl plēina de papaciuei.

Trëma mè 'l fonz y trëma 'nce 'l mœur.
N' ajut bën pröi-el zën San Stenëur.

XI. Bōta te stala mò for che mēuc,
Laša mè y bēisa zën dut en crēuš.
De su-aut trēs ġu vën prōpi 'n drē' ruf,
Gialines per aria ti sauta tel ciuf.

XII. Dal gran spavēnt mè mud-ela culëur,
Cul banc da mēuġer fier-ela 'ntëur.
Ora da uš òra y su al-infúm,
Te mašón zën saut-ela fašán 'n drē' fum.

XIII. Cun braces spanèi y uedli drusèi,
Perduda la trēcìa, ulá ie-pa i ciavèi?
La bròces di cospes che spuda mè fuec,
Che 'l ròf ne se 'mpöie, chël manc-el-pa puec.

XIV. 'N tël gran spavēnt! cie ie-l pa tlo sta?
Dut ie fruzà, dut ie stravà!
Taières y scudöles ġites 'n bròda,
Via per fonz cie fōtra mòda!

XV. Zën vëigh-ela 'l mœur mucian a sparón,
Dalà funöstra de su-aut de si mašón.
Te chëla mè tòl-ela i cospes a man,
A dòs ti tir-ela dò besán.

XVI. 'L mœur sëura gu s' en va a berdoles,
Dò ti fier scudöles y oles.
Dai svèjes y brèdli cherdàn n' ajut
L' aria y la cësa rembomba dut.

Leo Runggaldier.



'L fuec.

I. Ciampan' a martöl
Aud-uj sunàn!
N' ajut! a vèrder
A-l metù man.

III. Fuec y tizes!
Ġënt se prova
A destudè;
Nia ne ġöva!

II. Fuec y fum,
Ġënt 'n grüm,
Ciampanes che sona
Dutes adúm!

IV. Da ruf su èga
Man a man;
Ciampan' a martöl
Aud-uj sunàn.

- V. Cun zapes y zapíns,
Badii y rampíns
Zèr-uṅ ḡu stanges
De tēč y palancíns.
- VI. 'N fi tlo sēul,
Ch' ie unì salvà,
Sauta per strēda
Svajàn, desprà.
- VII. Ajut! Ajut!
Bruša ḡu dut!
Mi oma! Die,
Perdù ie dut!
- VIII. Adío zēn!
L' oma ne vèn
Plu mèi! adío,
Perdù mi bēn!
- IX. Flama y flama
For plu granda!
Dlibrà mò vègn-el
Na puera landa.
- X. Bestiam te stala
Berdola 'ntēur,
Urla y brieja
Dal gran dulēur.
- XI. Tram y tram
Dò y dò
Vèig-uṅ lašàn
Bòle dut dò.
- XII. Dut che crēpa
Se fruza, se romp,
Parēi y fonz
Revēnt y gomp.
- XIII. Dut al ingrúm
Toma adúm,
Très su pò spuda
Fuec y fum.
- XIV. Luminà de nuet
Sēura dut ie-l;
Tizes revēntes
Spriza al ciel.
- XV. N' ēila ugnàn
Vèigh-i zēn bradlàn,
'N bambín salvà
Sul brač tegnàn.
- XVI. L' oma ie-l!
Grazia al ciel!
Da lonč cunēš-i:
L' oma ie-l!
- XVII. Ciavēi y guant
Dut 'mpià,
Sēura dut
Dal fuec brušà.
- XVIII. Vo, mi oma,
M' ēis salvà,
N' auter' ana
Mò delibrà.

XIX. Še bench' ie dut
Zēn vardù ḡu,
Vòš cuer, mi oma,
Nen è-i perdù.

Leo Runggaldier.



Nëus son söt.

(Dò l' englëiš.)

- I. Cie savrà-pa dela mòrt na criatura, che tira bōl saurì 'l fla,
Y che te dut si còrp ne sēnt che la vita y plēina sanità?
'Nši ch'la pitla muta ch' è ancuntà te 'n pitl luec aut tla-su
D' òt ani y cun na ciuta de ciavēi da tòrtli 'ntēur ḡu.
La fòa 'm pue' salvèra, furnida drē' ala bōna y 'm pue' zòta,
Ma i uedli òv-ela tan bieì, che la fòva pròpi da-ulēi-bon dal blòta.

- II. »Pitla, tan de frèdes y suráns sêis-a?« i è-i dit;
 »Tanç? pu sôt en duç« diš-ela me cialàn tel mus bôl fit.
 »Y ulá ies-i-pa? di-me-l pu!« »Sôt sonse, m' à-la dì,
 Doi frèdes ie pra i saudêjes y doi suráns a servi,
 Doi de nêus ie te curtina, mi fra y mi sôr Lona,
 Y tela ciasota de curtina, dlongiad êi, stašóns je y l' oma.«
- III. »Tu dišes, che doi ie pra i saudêjes y doves a servi,
 Y che sêis sôt! Ma mi bôna pitla muta, cò pòsses chês dì?
 »Tra mutons y mutans sonse sôt,« me respuent pitla Carlina,
 Je ve-l è pu bôle dit, ch' i ie pu mò doi te curtina!«
 »Ma pitla, tu vives mò y sautes 'ncantêur bôl flinc;
 Še doi ie mòrč y te curtina, pò sêise mè plu cinc.«
- IV. »La fòsses ie bôla vèrdes, sot a 'n lèn iló ies-i êi,
 Mè pueč var-da nòsta cêsa, unide mè a udêi;
 Drêt suênz a fè ciauza sun si fòssa me sênt-i ġu,
 Cêrie ite mi fazulêč y 'ntant i ciant-i su;
 Y canche surêdl va ġu, še la sêira ie sarêina,
 Tòl-i mi pitla copa y maje iló mi cêina.
- V. La prima, che je mòrta, fòva pitla Lona, che ġemòva tan te liet,
 'Nfin che chel bôl Die l' à dlibrêda y che l' à per for scutà chiet,
 Y pò l' à-i purtêda te curtina; y canche la iërba fòva rossa,
 Je y mi pitl fra Giuvani, nêus sautàn y se tripàn 'ntêur si fòssa.
 Ma canche 'l ie unì la nêif, 'nce pitl Giuvani à messù muri,
 Y 'nce êl à-i purtà via, y bôl dlongia pitla Lona 'l à-i supplì.
- VI. »Ma še doi ie sun paravís, diš-i je, tanč sêis-a pò mò?«
 Y la pitla muta me respuent: »O bèrba, nêus son sôt 'mpò!«
 »Ma doi ie mòrč, ie sun paravís y ne cumpêida pu no!«
 Ma dut mi dì fòva debánt, la pitla ne se-la lašòva tò;
 L' êssa prês bradlà, che la sturgòva bôle 'l bôc,
 Y mò n' jêde m' à-la dit: »O Segnêur, nêus son sôt.«

Franz Moroder.



'L studënt.

(Ciantia.)

- I. Eŋ conta, ch' i òva menà te Funōß
 En tël pitel mut de Gherdêina;
 Davia che 'l òva nuef ani mè adôs,
 Stašòva si oma cun pëina.
 Si sôr fòva ênche iló a servi,
 Mà no t'la medòma cuntrêda;
 Em pue' plu in-ite mussòv-uŋ mò ġi,
 Iló fòva èila ruvêda.

rola, kēi ke fesh libri). Mbēn, kish s'ie unii n jēde, koke i a da skri l provansal. Po ti ai spiegà ai siei, ke uniun dēssa amē i stimē si parlē, arpà da si antenac, i no krējer, ke sibe me l »rusnē dei paures«, ske kēi de Paris uel kujenē, i no se dēudē a rusnē provansal. Po plu tert ai dat ora n liber dala paroles provansales tlama »le trésor du Felibrige« (l tesor dei félibres).

L liber l plu kuneshū de Mistral ie l'opra idilika »Mirèio«, ke vèn lieta giēn nomē da si kumpatrioc, ma nce da autri. Mashima i franžēufh, ke n'abadova nia tl prim »kl paur de n poeta«, a metù man de l stimē i te si vedli dis a mo abù Mistral l unēur de recever n vishita l presidēt dla Franzia.

Ma ēl ne fashova me libri provansai, ma l cialova nce ke vēnie fates festes nationales, mashima l »Festo Vièrginenco« k' ēl a metù su, ulà ke i paures univa te si furnimēt dl luek i i fhēuni i la fhēunes ciantova la vedla cianties i univa fa teater provansal. I l poeta kē univa amà i stimà da duc, foa for danter i autri i se dafhova fhu kun duc. Kēi fova si plu bie i dis.

Bele dan si mort ti ie unì metù a Arles dant al museum, k'el a fundà, n munemēt de bront i te si ultimi dis fovel propi da menē picià, tanc n ruvovel al kri, kuriēufh d'udēi kēfh gran poeta, kl ne n'ova propi no deguna gheneda. Ma ēl se teniva de bon i ciakulova kun duc, bēn l plu giēn de si bel paesh, la Provans, i, she venguni la laudova, po fovel kuntēt i beat.

Fafhan tofh l paur tosh l poeta, iel diventà 83 ani i l fova mo i dis da dedò drēt robust i bon i fhiva bel n drē su. Sēul si bie i ciavei blanc sk'la nēif mustrovà ke l muessa vester bele shaldi vedl. Kanke l ie mort, plurovā duta la populazion dla Provans, ske fossa mort n rē.

Mistral ie nafhū tē na cēsa de n paur i ie restà fedel per for a si luek i ala vedla usanzes. El a dedikà si vità a laudē la patria de si antenac i a perdikē, ke n dēssa amē i stimē si luefh natives, la vedla usanzes i tradiziōns. Zēnza lashē dō, fhivel da n luek al auter i purtova la bona parōla al popul de kunservē si furnimēt i si linguagio, »car qui tient sa langue, tient la clef qui des chaînes nous délivre.« (Davia kike mantēn si lingua, tēn la tle, ke dala ciadēines nes delibra.) O as-sanse nēus ladins n tel uem kē se dedikea dut ala nosta belà patria ladina i ke porta a tel unēur nofh bel i vedl parlē ladin! Ma Mistral nes po vester de bon efhempio! Sk'ēl i si kumpanies a messù kumbater tl prim kontra i franžēufh ke ne ulova nsavēi nia del »linguagio dei paures«, messonse nce nēus ti mustrē a vel Taliani, ke l ladin o retoroman ne ie n dialet salvere talian, sk'ei nes uel fe dant, ma ske professēures tudēfh, franžēufh i mashimamēnter Prof. Ascoli, ke ie nstēs n talian, a mustrà, na lingua da se plu vedla ke l talian. Davia de kel te-

nide duc adum, kultivēde i kunservēde l ladin, ke la vencion
ske Mistral.

* * *

Sēn uei mo kuntē velk dla lingua provansala: She fhon
zirka mile ani zeruk tla storia, po udonse sula pert da mesdi dla
Franzia n popul, ke fova bēn ruà sota l fhēuf di Romani i fat
latin, mā ke ne refhona plu latin. Si linguagio ie l latin di «Pa-
gani». Ei univa tlamei nshila, davia k'i fova giut restei pagans,
dank'i devēnte kristiani. Kēfh latin «di Pagani» ke s'ova meshedā
m pue kul tēmp kun paroles grekes, gotighes i arabes, an plu tert
tlamā provansal. Ora dla cēses di paures ie ruà kēfh lin-
guagio ti ciastiei di seniēures i ala kēurtes dei Orange, Les Beaux
i Tarascon, ulā ke i «troubadours» (ciantarins d'amor) purtova
dant cianties d'amor i i kavalieres, grofes i rēiefh — nfina mei
l koser Friedrich 2. — rusnova, liefhova i fafhova rimēs i cianties
n provansal, daviake kēsh parlē foa diventā ntlēuta l parlē plu
da seniēur i plu stimā dl mont.

Ma te n jēde iel diventā na mudazion, kē deguni n'aspitova.
Tel sekul 13 kundana l kunzil de Lyon l parlē i la leteratura pro-
vansala, pruibēfh de skri provansal i pruibēfh la cianties d'amor.
I ksta proibizion a valū! I granc i i seniēures ne se da plu fhu
kun kēfh parlē, i «trubadurs» n'audun plu giut ciantan i la cian-
ties i la poesies vēn gran pert desdrudes. L parlē te n jēde tan
stimā dai seniēures vēn desminciā; me dala pitla fhēnt de kām-
pania, dai paures, pastri i peskatores vēniel kunservā. I permō
Mistral i si kumpanies Roumanille; Anselme Ma-
thieu, Taran i d'autri — d'origine duc paures — mēt man
de skri inō provansal i de mustre al mont ke l linguagio di «tru-
badurs» vif mo. I kēst jēde fova i sapientons — o miec i su-
perbons — de Paris de kontra i ke kujenova kēi bravi, ke se da-
fhova fhu kun kel «parlē dei paures». Ma Mistral i si kumpanies
l'a vēnta. Al di da nkuei ie l provansal stimā nce da kēi de Paris
i mafhima i libri de Mistral ie dlonk giēn liec.

* * *

Da dedō uei mo ve de na pitla prova dl provansal i udereis
riefh, ke l ie per nēus ladins sēuri da ntēnder:

«Te consacre Mirèio: es moun cor, es moun amo,
Es la flour de mis au,
Es un rasin de Crau qu'émé touto sà ramo
Te porge un païsan.»

«Te kunsakre Mirèio: l ie mi kuer, l ie mi amor,
L ie la flēura de mi ani,
L ie n rufhin de Crau, ke kuñ duta si rames
Te sporc — n peur.»

Kun kesta paroles dedikeja Mistral si liber imortel »Mirèio«
a n amik. »Te sporc n paura. De vester n paura, fova per
Mistral si malfra fortuna, kuntentèza i superbia.

Ufhepantone Complotj.



Adio Gherdëina!

O bela val, mi bel' Gherdëina!
Sta bën, adio, a s'udëi!
Adio, alegta gioventù,
Vo bon kumpani, mi plafhëi.
Adio monc i vo valedes!
Adio prei i vo stredes!
Mi kar paefh, kin sun te
Surëdl i luna da,
L ruf per val ke va,
Mi kuer for t' amerà.

Kanke unive inò da te
Nshi aflit i amalà
Sufri tlo i sufri ilò,
Kun gran amor tu m'es levà
Mi gran dulëur bën for i for,
O bela val, mi bon dutor.
Mi kar paefh, l mont t' amira
Dal tēmp del bel dinstà,
Kl ciel sarëin s'a fa;
Da duc ies tu amà.

Via da te, mi bel' Gherdëina
Me mëina nkuei da nuef la sort;
Da te, Saslonk i mon' de Sela,
Da vofh gran bel k' n' ie mo mort.
O sëis vo doi mi protetores
D'mi cësa, d'mi genitores,
Mi kar paefh, kin sun te
Surëdl i luna da,
L ruf per val ke va,
Mi kuer for t' amerà.

Leo Runggaldier.



L saudè.

Mo n jēde a l'oma i bosl la man,
Po i cēlel mo drēt i difh bradlan:
»Dlekordet', o loma, de me i sta nton,
Prēja per me nfin k'inò s'udon!«
L'oma cialan dut grama, zitran
Sul cē al seniē i mēta si man.
»Segur periē ulerei per tē,
Tēniet' su drēt da bravo saudè!«
El cinia de shi. Tla viēra iel po fhi.
Trame doi la parola ai po' manteni:
N' ie passà via truepes dis,
K' ēi doi s'a prēsh udū — — sun paravis.
L fi mazà dala bala dl Rus
I l'oma tosh morta, do dal ferdrus.

Franz Moroder.



Seniūr Matie.

(1770—1844?)¹⁾

Ki ne kunēsh pa la cianties i la rimes de seniūr Matie? O ce »vedla muta« ne se n'a pa nia abù n per mel a liefher si ciantia ke ti spiega bel m pont ke »la ie fata« per ēila? O ce »vedl mut« ne se l' a pa rissa kun seniūr Matie i s' arà pensà: Refhon al! Nc' ie ne me lashe abinè ite:

»Eiles me dirà del dut,
Ma ie reste vedl mut!«

Mbēn, de kēsh »vedl mut« ke foa for de bona ueja, ke n udova pra uni festa rifhan i ciantan i ke teniva for i autri allegri i kuntēnc, de kēsh bon maester i ugrister, ke a nsenià i sunà a Urtifhēi, a Ciastel i a Persenon, de kēsh bon kronistà, ke nutova su kun gran bria la nuēves i i fac da Urtifhēi i kēl ke ie suzedù i ani de viēra 1796 i 97 i 1809, de kēsh bravo kumbatant de Spinges i del Berg Isel, de kēsh nosh poeta, ke pra uni miēur festa ruvova kun si cianties, tosh n gherdēina, tosh per tudēsk, rimes i mushiga dut fat ēl nstēs, de kēsh uem messons kuntē m pue de zeke.

Seniūr Matie Ploner ie nashù a Urtifhēi l ann 1770. She si pere fova de Gherdēina o n tudēsk ne savonse nēus: l

¹⁾ La dates de kēsh artikul ie ora de »Das Grödner Tale« de bera Franz Moroder da Lenert, Urtifhēi, 1891, pert 153 i 154.

fova nashù a Mittewald pra la Franzensfest. De 15 ani fova Matie bele a Urtifhēi maester i ugrister. Kanke n a fabrikà dal 1793 nfina 1796 la gran dliefha da Urtifhēi, ovel ēl da cialè su de duc i lēures i de duc i lauranc. Ma mpo se tulovel mo dlau-



Pruka, kun Ried, Cieves i Tanirz.
A Ried s'al «Vogelweiderhof» dëssa voster nashù Walther von der Vogelweide
(vivù zirka dal 1170 al 1230.)

rela de skri na kronika de kēsh gran lēur, ke ie tenida su te archif dla dliefha.

Del bon orgun dla dliefha s' ovel ēl sēul festedià i ova petlà adum nfin ke l fova unì fat i ke l ova pudù l bater kun gran virtù per unēur de Die i legrēza de duta la populazion.

L ann 1797 al kumbatù kul landsturm de Gherdēina a Spinges, ulà ke n' autra ladina, na brava fancela fedoma ti dalhova

kula forcia a n Franzëus n do l auter n bon rekord per si vita. Sul uni zeruk do la batalia a abù seniëur Matie na kunferënza kul general Laudon. Kësh general ti a po dat l kumando de to de bota l landsturm de Gherdëina i fhi via n Badiä a parè kui Badioc, ke i Franzëush, ke se n fhiva per l Puster, ne mucie per Badiä, sëura la montes via, i per Fasha a Trënt.

She pu kè kēi da Urtifhēi adurvova seniëur Matie a fe del dut — l foa nce skrivan del kemün i el ti fashova l aukāt ai paures,



L kustim da Ciasstel (Kastelrut).

ti skrifhova kuntrac, suplikes, kubites i d' autra robes — ovel mpo tan n pitl pajamēt, ke l ne l'a tenida ora ala longia i sē n ie fhit l ann 1800 a fe l maester i ugrister a Ciasstel. L ann 1805 al mo giapà n post pra kēl ghericht kome skrivan. Mā Gherdëina i si fhēnt ne n' al mei desminciā. Unitant mandovel per vel pot na ciantia o na gratulazion per gherdëina sëura Pinēi ite i kanke l ova dlaurela, fovel me riēsh ne' el a kri si kumpanies, mashi-mamēnter seniëur ugrister Bepo Mahlknēcht.

Al pfleger da Ciasstel J. Steiner ti al fhudà a skri i meter adum l skrit »Die Grödner« tel »Sammler für Geschichte und Statistik« (Wagner 1807, Bd. 2., 1. Stück). Kēstes sarà mpo la prima notizies de Gherdëina, de si abitanc, de si industria, de si rusneda

etz. Nshi pon di, ke seniëur Matie ie sta l prim ke nes a fa kunëfhe, ai autri, ki ke son i ke rusnon feter unfat sk' i Friauli, i Rumauncr kēi dela Provans o de Katalonia.

Mo n jēde tol seniëur Matie l stlop sula shables i peja tla viëra, ma kēst jēde kul landsturm da Ciastel del 1809 sul Berg Isel.

Do bera Franzl da Lenert dëssel vester ruvà del 1830 ugrister dla pfor a Persenon. Ma nēus raton ke l sibe bele ruà dan l 30. Ilò a Persenon iel po nce mort, plu de segur l ann 1844.

Kēsta fossa la vità de n uem ke a fat tant per Urtifhēi i per Gherdēina, ma ke fossa desmincià, she ne fossa si cianties, si rimes i si kumposizions i si kronikes ke l tēnissa n memoria. Te si ultimi dis s' an festedià tant del bravo poeta, kronist, maester ugrister, skriwan i kumbatant dē Spinges i del Berg Isel, ke n ne sa nce no segur, kanke l ie mort.

O bel i rik Urtifhēi! Dlekordete di uemes ke t' a fa grant i kuneshù!

De si cianties n' onse me plu n valgunes. »La vedla muta« fova tel kalēnder del 1911, »L vedl mut« te kēl del 1912.

I na gran pert ie danz unides desdrudes da tei, ke udova massa fosk, davia ke les ti savova m pue massa mondanes i da massa n bon umor.

Kēstes ke ie kēst ann tel kalēnder, ke un o l auter kunesherà, nes a lashà skri shu bera Franzl da Lenert, i nēus l ringrazion de si servish. C.



Koke Seniëur Bepo Mahlknacht, ugrister d'Urtifhēi, a da fe a giapè Stina del Sigat.¹⁾

Da Seniëur Matie Ploner, ugrister a Ciastel (1800—30).

Fete da katif da sēnn!
Kanke Seniëur Kristl vën.
Ne te stilè inshi de lēn!
Di: Bon di! Uniëise bën?
Sëis uni? E bën drèt giën
Ke uniëise a me kri.
Ve spitan bën ert, shi shi.
I kun vera impazienza,
No me nēus — dut Urtifhēi!

¹⁾ Stina del Sigat fova la nipote de bera Kristl Perathoner del Sigat, ke stalhova a Firënza i ova mandà sun si spëises l korp de San Benedēt ala dlietha da Urtifhēi.

Ve spitova ert — kël sei.
Pitl i grant, uniun el sa,
Ke seïs n uem dlonk stimà.
Vo nes ës mandà i dunà.
San Benedët i si korp sant.
Këst ie nosta kuntentëza;
Duc svajova kun legrëza.
Pitl i grant ki mei udova:
Viva bera Kristl, viva!
El nes a mandà de bant
Su si spëises n korp sant.
Percie kl ie uem drët bon i rik,
L al dat debant a San Durik.
Preja per nëus San Benedët,
Acioke vivonse bën i drët,
I kanke on finà nosh dis;
Ruonse su a Paravis!
Bossi po drët bel la man,
Di: seise bën nton i san?
Fei n bel gran kumplimënt;
Ma ne unì drë tan ruënt
A tukè la man a Stina.
Ies unida? Kara mina!
M' ues bon mo?
Ies bën ënke drët nton?
O shi, shi, te ciëles bon,
T' es n bel gran sumenton!
Po dirala: ciëla ve
Kësh dish prëst de maridè.
Lasheme inant unì!
Posse pa bën mo tel di:
O selinità festiva!
Ciantes tu, ke duc udiva.
Ie ulës na santa viva.
No me l korp, no me l' os,
Ma ke a pel i ciërn a dos.
Kike ntënt, m'a ntendù,
Mo ne muesses di de plu.
Viva, bera Kristl, viva!
Ie ulës na santa viva.
Po skota kiet i lasha fe,
L vën pa bën mo a sel de.
A di del mat, kël ses tu bën,
T' en bot ne mazun n lën.
L maridè ie shike n fhuek,
N muessa fe a puek a puek:

Tost sunè,
Tost ciantè,
Tost balè.
Tost sautè,
Tost shi, shi!
Tost no, no!

La va pa bèn de do!
Kanke Stina vuel ciantè
Mësses, vespres o tanives;
Lasha pu fhi aut la pives!
Po mèt verda, cièla ve
I mustrève drèt katives,
Lasha piesh i mans sautè!
I fahède gran rumor,
Kanke Stina vèn sul kor.
A sunè pra l klavier
Lasha fhi la mans lesier!
Sèn mèt verda dant al dut
I cièla ke t' la giapès,
Sèn auza su la tlapes,
Nè sparaniè la soles,
Nè sparaniè ciauzei,
Nè sparaniè paroles,
Nè sparaniè stivei,
She Stina vèn de Mei.
She n auter vèn po ala ulèi,
Po di: ce vues pa tu kujon,
Po sauti pu me ti ciavèi
I dai tel kul n bon kalzon.
Perete! di: Sh' t' es piesh i mans.
She no ne fhi plu a mutans.
Tu ne unì plu te mi fava,
O te akuse pra ti ava!
Po diral: Lasheme fhi,
Ie t' la lashe gièn a ti.
Dai la beles, dai la bones
I di: mi kara bona Stina,
Ke tu, kè tu me toles
Kun volontà divina?
Shi, she l' ie drèt a Die,
Dut bon, dut drèt, dut bel.
Kèst skrish ènke Matie
Tla kura da Ciastel.
Tu ses bèn, ki ke son,
Ne breve kun rikèzes,
Ma ie t' ue eder bon

I mostre gran belēzes.
She tu me toles, ie tel difh.
Tu me felhes n gran servish.
O Stina dala Sia,
O Stina del Sigat,
She tu ne n' ies la mia,
Devēnti bele mat.

Tel prim farala n pue' l sord¹⁾
I dirà bel puek i nia;
Po muesses tu i fe, l' akord.
Ie son tie i tu ies mia,
Sēn ses tu, bela stria.
Ne me tre giut per l' nes,
She tu ne n' ues to me,
N' ulon fe gran prozes,
Te toli ie mpo te.
She mei la dish per finta: no!
Ne muesses tu prēst zeder,
Damanda po: percie pa no?
Ie te ue pa bēn fe veder,²⁾
Te kunēshe bēn Kristina,
Tu ies fauza, tu ies fina,
Tu ies furba, malandrina,
Ma negun la indevina.
A me to dal kuer la spina;
Me tu sēula — tu Kristina,
Percie tu m' es ferì,
M' es tu sēula da vari.
Es ententù i es audi?
Sēn di me bel prēst de shi!
Po dirala bēn bel plan
Per tudēsk o per talian:
Ja, ja, fürwahr! San Balaran!
Tu prejes bel shike n Fashan.
Tu ies mpo n bon Kristian,
Vie pu ka, te de la man.
Ie te fhure prā mi pristl,
Va damanda bera Kristl,
Po she l te darà pro,
Messerei mpo te to,
Tu ne des mpo no do.
Po sauti it ala proza
I di: Kan ulonsa fe la noza?
Po dirala: bel prēst de Mei.

¹⁾ sēurd.

²⁾ udēi.

O si lauda Idie! fën t'ei!
Po n'es mo una da passè,
Te muesses mo la damandè
A seniëur Kristl — ciëla ve!
Këst te farà pa: mo suè!
Te muesses mefe la vaghè,
I bel la kosses palesè.
Sën di pu tu, ko vues pa fe,
T'ies n puere gramac,
Piec ke kel totl da Pradac.
Muesse bele ie tel di.
Tue tu ka i fe nshi:
Kanke l leva da duman,
Va i bossi la man!
— Èisa bën drët bon durmì?
Èsse zeke da ve di.
Ma bon di! ie son tan gram,
Ne n'e plu sèit, ne n'e plu fäm;
Me vën ert sëura a vel di,
Ma dirëise bën de shi.
Po diral: cie vues pa?
— L'ie na kossa d'importanza,
Ke me fesh drë mel la panza,
Ma skufëde mi kreaanza,
I l fossa na mankanza,
She ne n'esse la fidaanza
De vel di a Vo, seniëur,
Cieke ie l mi dulëur,
Ke me druka tan l kuer.
Pò diral: puere mut.
Di bel prëst i ne fe tan giut!
— Shi, seniëur, l foss liër di,
Ma dirëisa bën de shi?
Cie vuei ie tan pensè,
Muesse mefe palesè,
Muesse mefe la vaghè,
L'ie fën piec ke se pistè.
Dëssi di? — L difhe: ne se.
Pudeis bën zënza vel pensè,
L'ie sauri da ndevinè.
Di diral: O lasha ste,
Va pa pu a keghè.
— Ulësse mefe me maridè.
O, diral, fën n'ei assè.
— Ulëisa forshi gor parè?
Ie ne se, diral, ko fe.

Dëssi pa propi t'la de?
— Bën segur! di tu, sesa!
Pó per kēst v'ei demandà.
Vie pu, diral, tu bloza,
Kan ulëisa po fe la noza?
— Stina, Stina, es audi?
Vie pu ka, l difh de shi.
Pó vën. Stina super shela,
Po damandel: Kara bela.
Vues tel to i vues l avëi?
Po dirala: Es plafhëi,
Sën cialede, berà Kristl,
E lhurà nfin pra l pristl.
V' e dit del maridè,
Ma per spas ne pon lhurè.
Sì, di certo, signior zio,
L' ho elletto per il mio
Per ispirazion di Dio
E con volontà dello zio
Lo prenderò poi io.
Po diral pa bën: per me
Poste tu l maridè.
Da per me mo kēst ann,
Me dafhonse bel la man.
Fe po tu ti kumplimēt
I n bel ringraziamēt.
Bera Kristl, Die vel paje,
Sën ulonse pa cighè
I bel prësh se maridè.
O solenità festiva!
Viva, bera Kristl, viva!
Sën ei bën mi santa viva!
Po va 'pu i gëura l viere
I kërda prěst po berà Pière,
Ne fashède gran cianfonies,
Shide prěst n kalonia,
Shide po mo n kël di.
Shide bel drët do la via,
Ke degun ne sebe nia,
Fashède pa po kunedì;
La vedles ne n' a pa po da di.
Es audi?
Fe tu inshi!
I n kel di ke tu es la nōza,
Se n buonse pa nà boza!



Gratulazion

de Seniëur Matie per l sant inuëm de si amik, Seniëur Bepo Mahl-
knecht, ugrister a Urtifhëi, 1813.

Mi karo bon amik,
Orghenist de San Durik!
Ie te dës gratulë.
Ko ei mei da fe?
Ie te bince gran fertuna,
Die te sverde da desfertuna
I te debe cënt tei dis,
Do cënt ani l paravis.
Dein heiliger Patron
War gar ein großer Monn.
Tue du, was er getan,
Und spiegle dich daran.
Dein heiliger Patron
Gar viel im Himmel konn.
O ja! du weißt es schon,
Was er auf Erden geton.
El foa n artefhan,
Se vadaniova l pan
Kui lëures de' si man.
Ma no kun fe l sartëur,
El foa vel de miëur,
El foa moster zumpradëur.
Wir sind nicht erschaffen,
Dis Welt anzugaffen,
Als wie die dummen Affen.
Zur Arbeit, frisch daran,
Das zeigt uns Josef an;
Der führt uns himmeln.
N bon vedl na' bon' ana.
Tost laurovel kula plana,
Tost laurovel kula uega,
La madona fova kuega.
Wie glücklich wäre nicht der
Mann;
Der solche Köchin haben kann.
Ma kun fe l zumpradëur
Al tra su nost seniëur.
Këst i foa ubidiënt
I ulgova da valënt.
Sei auch du ihm unterton,

Dann bleibt er dein Schutz-
patron,
Dieser heilige Zimmermonn.
Shi, Sant' Ufhep l a trat su
Kel pitl mut, Die Gefhù.
Die Erziehung der Jugend,
Die bildet große Tugend.
Auch du bist ein Verehrer
Der Jugend — als Schullehrer.
Al bambin al dat tratura
I ova na gran kura.
A Gefhù al dat la speisa,
Ke l majova pra si mëisa.
Tost pulënta, tost na fhufa;
Percie n puere zumpradëur
Ne po majë do l miëur.
Sieh', da gibt es uns zu
schmecken:
Auch wir sollen nicht immer
schlecken.
Pu m po iel stat kuntënt
I stafhova ubidiënt.
L i fashova drët la beles
I tlupova su la steles.
Finamei l bon bambin!
I amulova l manarin.
I fhudova a zumprë.
Mei ne n'an audi de n sant,
K' a abù n tel fant.
Da war ja eine Kinderzucht,
Dergleichen man bei uns nicht
sucht;
Denn Josef hatte Gottesfurcht
Und hat beim Zimmern nie ge-
flücht.
Mei ne n'al messù svajë
Mei ne l al messù skurië.
She. Sant' Ufhep trafhova n
shibl,
Po lëurovel bele tribl.

Abênke l' foa fi di Die
 I no de Sant' Ufhep l' sie.
 Jetzt gibt es wohl andere
 Kinder,
 Sie sind als wie die Rinder
 Und lauter kleine Sünder.
 Gibt man jetzt unsern Fratzen
 Nicht täglich hundert Patzen,
 Bis sie in die Hosen schlatzen,
 So mag man sich wohl kratzen.
 Lashi Ihu suënz la brejes
 A ki pestes de skulejes.
 Fei pu tre de bie gran svejes,
 Dai pu me de bon gran pazi
 A ki pestes de ragazi.
 Tan i mutons ke la mutans
 Ie tan riei k' i malans.
 De Sant' Ufhep si gran pajan
 Messëssun fort avëi tla man.
 Tu du auch in Gottesnamen
 Deinen Schutzpatron nach-
 ahmen.

Gib den Schülern gute Zucht,
 Dies bringt tausendfache Frucht.
 L pitl bon bambin
 Ne n' ova n katrin
 A se kumprë doi bieshes
 O al mankul kater shiesses.
 Shan Batista, si Ihurman
 L menova per la man
 N puek ora a sauté
 Sun pastura a vardë.
 El ova na gran biesha
 She ke n bagot da Tiesha,
 I po l aniel de Die,
 Këst seste miec ke je.
 Këst foa uni di
 Si pitl deverti.

Das heißt sich wohl in Gott er-
 freuen,

Und nicht wie unsere Kinder
 schreien,

Fluchen, schelten und malediein,
 Immer auf der Gassen bleiben,
 Spielen, Possen, Handel treiben.
 Josef hielt ja Kinderzucht.

Hat dergleichen nie versucht.
 Jesus schweifte nicht herum
 Wie jetzt unsre Burschen tun.
 N seul jëde iel ël mucia
 In kël jëde bën, per Diefha,
 S'al skendù trëi dis te dliefha
 Do trëi dis l' ai pa pià
 I te l a bën skurià.
 Po l ai damandà:

— Dima tu, ulà iesa sta?
 Sën l ovel bën al bosl
 O sei still, mein lieber Josl!
 Ste pa bën inò pra te,
 E n jëde ulù pruvë,
 She t' ies bon de me giapë.
 Koke fossa a mucë.
 Ne te fe pu no ferdrus,
 Ie te difhe sot al mus:
 Tu, Ufhep, ies mi padrin,
 Ie mues ulghë al mi divin.
 Kël lassù n' ie tan katif
 Ke tu pere putatif.

Ie e ulù mustrë,
 Ki ke son i ceke se,
 A ki skribi Farishei,
 A ki pestes de Ebrei,
 A këi vedli mushatons,
 A-këi totli de barbons,
 A-këi mostri de kujons.
 Ki trëi dis-ëi for strità,
 Nfin ke tu m' es desturbà.
 Ie ne ulova pa mo zeder,
 Ie te ulove pa fe veder.
 Abênke son n pitl mut,
 Di savovi pa del dut.
 Nun ließ sich da wohl fragen:
 Gibt es wohl noch solche Kna-
 ben?

Welche geben solch' Exempel,
 Selbst liefen in den Tempel.
 Sant' Ufhep, n bon laurant,
 Ke laurova mez debant,
 Ulà ke l fova da zumprë
 L tulovi a laurë.
 L savova fe del dut
 Ke teniva fort i giut.

L laurova miec ke Simbl
 O ke l fova miëur ke l Limbl.
 A Sant' Ufhep messës de do
 Nce l pitl Hansl mo.
 Dut i fhiva bel de man
 La manea i l gran pajan,
 I fashova me te n bot
 Tost na mëisa o n kriniot,
 Na letieria oder n stuel,
 Na kuna o pifaruel,
 N shadunë o cie ke n uel.
 Per i paures de bona ercies,
 Dant a l'ega de bona bercies.
 Kula brejes de bieci gran pëc
 Kunciovel bën i tēc.
 Kurz, n tel bon zumpradëur
 Ne giapun mei n miëur.
 L fashova miec si arte
 Ke de fën l gran Bonaparte¹⁾
 Sua maestà, mi scusi!
 I tuoi popoli confusi
 Aspettano i Russi.

Siehe, St. Josef tut uns lehren:
 Jeder halt' sein' Stand in Ehren,
 Gehe seinen Pflichten nach,
 Daß ein armer Handwerksmann
 Auch wohl heilig werden kann.

* * *

Ie te bince uni bën!
 Es ntendù de fën?
 Lashete tu drët servi,
 Do duman ke l ie ti di!
 Di pu me a Mariëusa:
 Va i gëura su la bëursa,
 Kompra cie ke ie bel i bon,
 Porta su i nëus majon.

* * *

Ki ke a tlo skrit,
 Ne uniral a ti dit.
 Ie me soteskrishe²⁾
 I tu n ses m po no, she ne tel
 difhe.

Persenon, ai 17 de Merz 1813.



Gratulation dei kari kurazians da Bula.

SVL St. InVeM DeL sIn. Vfhep CVrat In BVLLa.

(de Seniëur Matie, 1828).

- | | |
|---|--|
| <p>1. Aliëgri nëus da Bula!
 Fathëve nkuei unëur!
 Ne sparaniëda nula
 Al di de nosh pastëur!
 Vo uemes fhide dant,
 Tulëve l bel guant!
 I autri po prëst do,
 La vedles drët de do!</p> | <p>2. I uemes tole kitli,
 La brejes la fenans!
 Shikëde su ki pitli,
 Shikëve, vo mutans!
 Tolëve mo, vo grandes
 Sul cë bela gherlandes!
 La vedles per unëur
 L gran skuac da fëur!</p> |
|---|--|

¹⁾ De Setëmber 1812 fova vardù fhu Moskau i Napolion oa messà mucè ora dla Rushia. Ma na gran pert di saudejes fova more dal frëid i dala fam. De Otober 1813 ova po Napolion inò perdù la gran batàlia de Leipzig.

²⁾ Soteskriziòn: nia da liefher.

3. Kun bela prozeshion
A per, a man a man,
Po de briëda fhon,
Cigan i bel ciantan;
Tulon l gran tamburdl
Ke tire n drë gran urdl,
Ke l aude kēi ke vën
I skote su da sënn.
4. I vën duc kēi da Bula,
Ciantan, sunan, cigan.
No me la vedla Lula
Per ve prië de pan.
L ie kossa d' importanza,
Bincion de vera panza,
De vere kuer, shi, shi!
Fertuna for vosh di!
5. Auguron a seniëur kurat
Ke l stebe drët nton.
El ie daniëura stat
Kun nëus valënt i bon.
Die debe si aiut,
Ke l vive mo drët giut.
Da nëus daniëura amà,
Tan giut k'ël m'ei sarà.
6. Giauride su la musa
I duc ciantëde do.
Degun ne tire skusa
I sveje kël kē l po,
Per fin ke on saliva,
Svajëde pu me: viva!
Viva seniëur kurat,
Nshi saral bën fat.
7. L ie stat na desfertuna,
Ke duta Bula l sa.
I duc bradlova ad una,
Ke l Pimperl ie krepà.
Dei cians i plu valënc
Zanovel bel kui dënz.
Kapiva prëst: Wart auf!
Geh, Pimperl, friß und sauf!
8. I kël pitl ucel,
Ke fova propi blot,
Ciantova drë tan bel,
Al dat a Mëine Kot.
Mi bon seniëur kurat!
Tlo ëise fat da mat.
Ie muës drë vel di
Vo dais me vel teni.
9. Dut kel ke v' ie de uega,
Messëise ve teni.
She un ulës la kuega
Difhëise pa de shi?
Je krëje bën de no.
Ma sh' un la vuel pa mpo
Per fën se maridë,
Messëis mpo i la dë.
10. O bon seniëur kurat!
Audide a bon kont!
Ne sëise pa tan mat,
A fhi mo sëura mont.¹⁾
Vo sëis mo fhëun i sann,
Per nëus fossel n dann.
Sarëis bën mo zakan
Mpo giut assë pluan.
11. Pastor de nosta ana!
Menënes su al ciel,
Ulà ke n maja mana
I drë bon niok da miel.
Vardëde nosh mutons
Da bieshes i kastrons!
Vardëde la fenans, —
Kla furbes de mutans!
12. Svardënes dai majans,
Krauniëde kēi Lumberg,
Difhëde ala mutans
De no fe plu bastero!
Vardëde ke deguni
Sëura i sot Kuntruni
Ne vede a se danë
Tel infern po a keghë.

¹⁾ L kurat ruva via n Badia.

- | | |
|--|--|
| <p>13. Svardēnes dala stries,
Rie ēiles del malan.
Les ie diaulmēnter ries,
Nes iefh suēnz gran dann.
Nes tira sula kresta
Na bela gran tēpesta.
Per Triek ciacēles fhu,
Fafhēi la krēush lessū.</p> | <p>15. Sēn onse bel' ciantā,
Sēn dēssel pa bastē.
Nēus on del dut binciā;
Sēn fhonse a gustē.
La kuega porta su
Del dut assē i plu.
Da bever plu k' assē,
Ke n posse drēt cighē.</p> |
| <p>14. Les ie tēl vedla pestes,
Ke n' a mo mei giapā.
Les ie mpo mo lestes
I sauta n krēp ka i la.
Les pruēta sun Bulacia,
Fafhēi me m pue la ciacia.
Mustreī vosh puni seniā,
Udēis pa ke les va!</p> | <p>16. Salūte! bon seniēur!
Kul got n tela man
Buonse a Vost unēur,
Vivēde giut i sann!
Nkuei de Vosta festa,
Shaudonse drēt la testā.
Stafhon aliegramēt,
Potztausend sapramēt!</p> |



I ciastiei de Gherdēina.¹⁾

Shike belau uni val del Tirol, nshi a ēnke Gherdēina i a abū si ciastiei. Danz ke de na pert de kish ciastiei san al di da nkuei puek i nia, percie ke i vedli da zakan ne skrifhova tant ke vēn skrit nkuei kun di; po muēssen ēnke pensē, ke la mafhera pert de kish ciastiei ie uni desdruī i per kēl iel ēnke fhi perdūdes truepa skritures, ke povester pudēssa nēs kuntē, kan i ko i da ki ke kish ciastiei fova unii fabrikēi. Ma mpo dēssa l kalēnder ladin kuntē ce ke n sa di ciastiei de Gherdēina. Skumencion kui ciastiei de Sēlva damprō ora.

1. L. ciastel te Val (Wolkenstein).

L ciastel te Val ie segur l plu vedl di ciastiei de Gherdēina. Kan i da ki kl ie uni fabrikā ne san per auter. N konta ke n grof d' Italia, ke ie mucia da Attila,²⁾ l ebe fabrikā. Ma kēsh

¹⁾ Kunfronta specialmenter «Das Grödner Tal» de Bera Franzl Moroder-Lenert, St. Ulrich in Gröden, 1891, 2. Aufl. 1914.

²⁾ Attila fova dal ann 434 fin al ann 453 l rē dei Hunni ke abi-tova tl' Asia. Da ilō iel unī kun mez milion de fhēnt tel' Europa per fundē n gran rēni. El ulova avēi mashimamēnter la Franzia; ma ilō al perdū la viēra l ann 451. Do iel rot ite tl' Italia i a desdru Aquileia; l Papa da kēi tēmps k' ova inuem Leo I. ie fhit ankontra a Attila i l a prejā ke l debe ēuta. Attila a fat al sēnn, do ke l ova re-cevū na gran soma de grosh. Sul viac per fhi a cēsa iel mort propi la nuet de si noza l ann 453.

ie danz da dubitè, shebèn ke n sa, ke Gherdèina fova a kēi tēmps bele abiteda. La plu vedla notizia ke n a del ciastel de Val ie del sekul 13. A kēi tēmpes fova patron del ciastel la nobile familia dei Maulrappen. Kēsta familia a po vendù l'ann 1293 l



L kustim de FuneB.

ciastel kun duc i ciampes i prei ke tukova leprò a n seniëur, ke ova inuem Randold da Pradèl i Villanders. Randold ie mort l'ann 1319 i si fi Konrad a mudà l inuëm ke l ova dant i a metù man de se skri Konrad de Wolkenstein i d' adurvè. ênke l »wap-

pen« kula trei nibles.¹⁾ Konrad ie mort l ann 1373 i a lashà n fi, ke ova inuem Friedrich de Wolkenstein i ke a maridà zirka l ann 1360 l'unika fia del senièur del ciastel de Trostburg (sëura Pruka). Kësta fia — inuem ovla Katarina — a arpà dō la mort de si pere (1386) no me l ciastel Hauenstein dlongia Sëuc, ke fova ênke de si pere, ma nce l ciastel de Trostburg i per kël se skrish fën i grofes »Wolkenstein-Trostburg«. N fi de kësh Friedrich i de Katarina fova Oswald de Wolkenstein, nashù plu de segur tel ciastel de Val zirka l ann 1367. Kësh gran uem ie kuneshù loñc i lerk sota l inuem »Minnesänger Ritter Oswald de Wolkenstein«. Minnesänger uel di kl fafhova i ciantova cianties d'amor. A kēi temps fovel la usanza, ke ênke de gran seniëures fhiva nkantëur a sunè la vidula o vel auter instrument i ciantè leprò. Kish »minnesängerhi« fova specialmënter bën udi ti ciantiei di rêiesh, di grofes i di barons. Kanke n rē o n grof o n auter gran senièur ova vel festa o vel bal, fōvel la mafhra legreza, she ruvova n tel »minnesänger« a ciantè i sunè, o per di n kurt, a fe l mat. — Nshi a ênke Oswald de Wolkenstein bele l ann 1377 — l ova nlēnta 10 ani — skumencià a fhi nkantëur a sunè i ciantè. Kok'ël nstēs konta, ovel, kanke l ie muet da cēsa, me trēi pfennig (zirka trei helleri) i n tok de pan te fuja. Oswald ie ruvā — pon di — sëura drēt bën l'arpa, la vidula, l tamburdl, la pauka i l shi-blot. L a ênke skrit n grum de cianties i metudes n mufhiga.²⁾ Oswald vën fat fhu me kun un uedl (kul uedl ciank), davia kl uedl drēt ovel bele perdù da fhēun da n kolp de n polz.

Patron del ciastel de Val fova restà l plu vedl fra d'Oswald, k'ova inuem Mikiel, nashù l ann 1362 i mort l ann 1451. L fi de Mikiel ie unì numinà dal koser Maximilian I. (1493—1519) baron i l ann 1628 a kēi de Wolkenstein giatà l titul de grofes.

¹⁾ L wappen di grofes de Wolkenstein veifhen fat su sëura la porta de fhegher dla dliefha de Sta. Maria kula inskrizion »Wilhelmus de Wolkenstein 1503.« N këst ann ie unida fata la prima dliefha te Sëlva.

²⁾ Ki ke vuel avēi sta cianties i savēi de plu dla vita de Oswald, se kompre l liber „Die Gedichte Oswalds von Wolkenstein“ von Beda Weber, Innsbruck, Wagner, 1847, o „Dichtungen Oswalds v. W.“ Reclams Universal-Bibliothek, Nr. 2839/40, 48 h.

Prolog
L per ke l ciastel de Val serviva ai grofes me per d'instà, kanke i univa al frësk. L ann 1452 fovel mo, ske n sa da zeke skritures, abità, ma l ann 1525 fovel bele desdrù. A ce maniera kl ie unì desdrù, ne san segur. N vuel di ke ova da ite l tēune, autri miena, ke sibe krepà fhu de Stevia n tok de krëp. Kësta ultima minonga, kl ciastel ie unì desdrù da na smueja de sash, ke ie unida fhu de Stevia, ie segur plu sēuri da krëier ke la prima. N konta ke set ani ala longia an udù sēura l ciastel na nibla kome sēni ke i abitanc del ciastel dëssa se n mucè i nshi se salvè; ênke dëssel vester kumpari ai grofes zeke spirc ke a anunzià la desgrazia.


Al di da nkuei vëilhen del ciastel me plu n valguna muredes; sota l ciastel iel ênke mo muredes; ilò dëssa vester sta la stales per takè ite i ciavei i l auter bestiam di grofes. N a kerdù giut ala longia, ke tla ruines del ciastel muessel vester truep grosh, ke po me unii giavei ora da mefa nuet. Per kël iel sta perfin de kēi, ke a ulù fe la prova de fhi a giavè, ma zenza giatè velk, percie ke i ie unii ciacei via dal Orko, o, ko ke i autri konta, da n gran tavan ke fenova for ntëur ite.

Sēura la cësa del Droc iel n pitl krëp ke setlama Ciaslatat. — Enke ilò dëssel vester sta n ciastel ke fova di grofes de Wolkenstein. Vedla fhënt konta d'avëi mo udù muredes; n vuel ênke di, ke sun Ciaslat fovel giavà ite set sames de grosh, ke ie po unides rubedes dai Inglefhi! — De kësh ciastel sun Ciaslat ne san po per auter nēt nia. She l ie ştat velk sun Ciaslat, po fovel pa mefun n pitl ciampamil, da ulà kēi del ciastel de Wolkenstein pudova cialè ora de vières de Fasha i de Dantercëpies per udēi, she ne vën mia no vel nemik; i kël ne pudoven udēi de Val ora. A kēi tēmps fovel massa perikulëus i per kël messova vester specialmënter i gran seniëures for de guardia, ke ne vënie vel leresh o assassins.

2. L Ciastel (Fischburg).

Davia ke i grofes de Wolkenstein ne pudova plu abitè tl ciastel de Val, s' a fabrikà l grof Theodor de Wolkenstein l ann 1622 sota Dlaces n bel gran ciastel ke se tlama Fischburg. Këshi inuem ie unì dat al ciastel, percie ke zakan dëssel vester stat ntëur via tei pitli lec kun pësh la ite.¹⁾ Kësh ciastel serviva ai grofes de Wolkenstein kome abitazion per l instà; n fina zirka l ann 1838 iesi unic al frësk. L kûrat o l kaplan de S. Krestina mes-

¹⁾ A fhi sēura l Kol da Dlaces ite, se ntendun mo, ulà ke fova i lec. L ie n bel plan da bufha i ta mez ora passel n aghel. I dish ke n fova trëi, ma n sarà sta un kun trëi partides. L plu grant fova kël ora nsom. Bera Stefun da Dlaces, ke ie permò mort fha Benedët a S. Krestina, se dleurdova kanke i l ova lashà ora i ova fa n bel tok de pra. I lec fova ciariei ite kun de gran berces, i bera Zenz de Spinaces s' ova fa do, ki l ova lashà ora, 24 pas de lënia limpea. (La redaktion.)




L Ciastel (Fischburg).

sova fhi uni tant a di mēssa tel ciastel. L di de S. Ciashan (13 d'Agost) — a kēsh sant fova dedikeda la bela kapela — fovel segra del Ciastel i n kēl di univa l kurat de S. Krestina nvià dai grofes a marēnda. L ann 1843 a l grof Leopold dunà l ciastel ala kemunes de Sēlva i S. Krestina i do kēl tēmp servēsh l ciastel per cēsa di pueresh dla doi kemunes. De dora via perel mo n bel fabrikat, ma a fhi de dite iel n spavēnt: nia auter ke ledam, muredes tumedes ite, trames zarei ora, l tēt plēn de bufhes. — Perfin la kapela ne ie stata segura; l autere ie unī zarà ora i metù te na stuva; la kapela nstēssa vēn adurveda kome stan-ghedun. She la kemunes ne fesh tosh velk, muēssa l Ciastel tumē nsēuralauter.

La belà gran cēsa de Kol dala Pelda semeja ēnke n ciastel. Kēsta ie unida fabrikeda l ann 1640 da doi vedla mutans dla familia di gōfes de Wolkenstein. Do la mort de kēsta doi ēiles ie diventà Kol dala Pelda cēsa de Sunieria.¹⁾ Nia da lonc

¹⁾ Da l ann 1402 fin al ann 1828 fovel per la val de Gherdēina te Wolkenstein Sunieria i no a Ciastel.

[Ske Steiner konta, fova l ann 1807, ke Gherdēina fova nfina 1814 sota l Bor, la val spartida n trēi sunieries. Sēlva kun 107 cēseshova kun Kolfosk sota la sunieria dei grofes de Wolkenstein; Urtifhēi, Sakun i Santa Kristina kun 253 cēseshova sota kēla da Kudon; Bula, Runkadic i Soreghesh kun 96 sota la sunieria da Ciastel. I dutes trēi stahfova sota l «Landgericht» de Tluses. (La redaktion.)]



La dliefha da Sakun.

(Via do Saslonk, „i cindēic“, l Turm de Innnerkofler,
la Zana i Sasplat.)

dala cēsa fovel la forcia, i l luek ulà ke la fova, se tlama mo
al di da nkuei »Kol da forcia.«

3. L ciastel Stettenecke a Sakun.¹⁾

Bēn puccia fhēnt de Gherdēina savrà, ke ēnke a Sakun fovel
zakan n ciastel. Danz ke de kēsh ciastel san puek i nia. Plu
segur iel unī fabrikà zirka l ann 1260 o 1270 da n seniēur o grof
de Shevun (Säben) k'ova inuem Ghebhard. L fi Jakun a plu
segur ngrandi la dliefha da Sakun, ke ie la plu vedla dliefha dela
val de Gherdēina. Kēsh Jakun ie mort l ann 1312 zēnza lashē fions
o fians; perkēl a si sor Adelaide, l'ultima dla familia, arpà
l ciastel Stettenecke i a maridà n deshendēnt de n fra de
Ghebhard; i nshi ie diventei inò i seniēures de Shevun patrons del
ciastel. L ciastel fova sēura la dliefha da Sakun sui ēures dei
krēpes da Pinkan. L per ke l ciastel sibe sta prēst desdrù o plu-
tost tumà lhu ti bufhes da Pinkan, percie ke bele del 1600 skrish
un (Mathias Burglehner), ke l ciastel ie despari dan plu cēnt ani.
N vuel di ke la pitla ciampana da Sakun, ke ie una dla plu vedla
ciampanes ke n kunēsh i ke a na forma kuriēusa — la semeja
n gran kusē — sibe stata dant sul ciastel de Stettenecke. Vera-
mēnter konta na vedla tradizion ke la pitla ciampana da Sakun
ie unida giateda ti bufhes da Pinkan; n manz ke fovà ilò a pu-
stura, dēssa l' avēi giaveda ora kui korni.

* * *

¹⁾ Vian refhona te si liber (pert 21) de n ciastel »Lagustell«.
Sēura Sakun de viēres de Sēura Sas se tlama mo na pastura L a g u s t e l.

Kësh puek san di ciastiei de Gherdëina; auter ne konta la storia. Ma n po se nmaginè, ke ai tēmpes, kanka i grofes de Wolkenstein i de Stettenecke univa te Gherdëina al frësk, saral sta de bela festes forshi tan beles ke la festes dal di da nkuei. La fhënt arà cialà kun gran uedli, kanke i grofes univa a ciaval kun na gran quantità de servitù, duc furnii da katif ala bela moda da nlëuta. Mo plu aran cialà kanke passova i seniëures i la seniëures de Shevun, del Trosper, da Ciastel i de Hauenstein, ke univa a gran tlapes — duc a ciaval — ala gran marëndes i cēines o a d' autra festes ke i grofes fahova te si ciastiei.

Ma dut passa. Al di da nkuei vëifhun apëina vel pitl sēnie dla grandēzes da zakan. Seniëur Antone da Fussel.



L troi pajan te Gherdëina.

Na bona ker d' ëura sëura plan de Palua passa da mez l bosk de Reshiefä ora l »troi pajan« o l »Purtscharsteig«, koke dish i tudësh. N i dish »troi pajan«, percie ke l ie unì fat dan truep, truep cēt ani, pu n po di, dan passa kater mile ani dai pagans ke vivova te Gherdëina.

Vo rifherëis forshi a liefher ksta paroles: dan kater mile ani n saral mia no mo sta fhënt te Gherdëina, mi bon berba!

Pu danz ke l foa ntlëuta bel fhënt te nosta bela val, ma no ala bassa ske nkuei, ma su per ki auc, da Sakun i da Santä Krestina su, sun Kol de Flam, sun kel Piz i nce sun tei pitli këui sota l Balest via, ke ne n' ie nianka plu al di da nkuei, percie ke l' ega a magiä via i smujä lhu dut. Po vivoa ksta puera fhënt pagana te këui de krēpes, ulä k' i foa bel segures da tieres salveresh, dala lores i dai lëufes.

L troi pajan mbën foa la prima streda ke passova per Gherdëina.

Pensëde ma ce spavēnc ke l sarà sta datrai sun ksh troi, kanke na famiia nkonta na gran lores o n tlap de lëufes? Tan suēnz sarala ma suzeduda, ke l pere o l' oma ke ulova defēnder si pitli mutons, ie unii zarei n toc da ksta rie besties. Ce spavēt! L ne n' ie mo cēt ani ke l ie unì mazä l' ultima lores ora n Val Vërda sun Reshiefä. I dan n vint ani ai mazä via n Funeß n gran lëuf ke ie sēn da udëi tl museum de Dispruk.

Bel plan, bel plan ie ruvā l kristianefhimo nce te Gherdëina, i ie rate propi de ne me falè dl dut, she miene, ke i prim kristians foa pastri rumans ke stafhova ta Pilon. Kish ie ēnke unii sul troi pajan tla val, i ko kl per, ntëur l ann 300 do Kristo, drē ai tēmpes del martirio de Santa Krestina, ke fova mo na muta

fhëuna. Dan, n valgun ani iel uni giapà te n ciamp ta Pilon n diesh dodefh munëides paganes rumanes del ann 300.

Ma nce mo mile ani plu terd ntëur l 1300 univa l troi pajan adurvà dai seniëures dl ciastel da Sakun, Stetteneck, i de Sëlva, Wolkenstein; perkël dish i tudësh mo al di da nkuei »Purtscharsteig«, ke uel di troi del ciastel. Te vedla skritures vën nce dant l inuem »Jagersteig« i »Kirchsteig«. Ciuldi ke n difhova nshi, ie sëuri da ndëvinë.

N auter jëde n auter tok de storia da zakan de Gherdëina.

Willi da Shumbiërk a Marienbad.




La gran mueria dl ann 1636.

Ki n'a pa audì datrai kuntan di spavënc dla gran mueria ke ie stata zakan te Gherdëina? La gran mueria ke i tudësh tlamoa »das große Sterben« foa la pest del 1636.

Ntlëuta fovel sta giut no me per l Tirol, ma ades per duta l'Europa tëmpe da spavënc i da gran miseries. N jëde pativun sota la viëra dei trënt'ani (1618—1648) ke s'a lashà senti tei ultimi ani nce tel Tirol. Po univel for menà viëra kun nosh fredesh dla »trais lias« del Grishun (Graubünden). For passovel tlapes de saudëjes tosh de kësh viëres tosh de kël viëres per l Tirol ke magiova i rubova su dut, ceke ti univa tla mans. Mo de plu! Kish lotri de saudëjes skashinova fhënt i luesh i guai a kike n'i lashova fe, koke i ulova. I univa prësh fac frëic. La usanzas de viëra fova ntlëuta nshi! A kesta moda pon se pessè i la kapi ke — davia ke dut foa unì adurvà su per la viëres — l'ie rot ora na gran ciarestia. Ma a fe la fin de kish spavënc iel mo ruà l malher — la gran mueria — la pest ke a desmendri la popolazion del Tirol de n dritel. N konta ke ksta rie malatia dëssa vester rota ora tei Grishons. Autri inò miena ke l'ebe skumencià pra i saudejes a Glurns sula Vinëga.

La tradizion konta danz ke Gherdëina dëssa vester ntlëuta morta ora duta, ora de n valguna families. Ma do i libri di morec dla dliefha da Sta. Kristina ne n fossel pa m po no mort tanc. Kike uel savèi i inuemes de kish morec, cële do via do de kësh liber, koke Willi da Shumbiërk i a skric ora di libri di morec a Sta. Kristina i koke l kurat Sorzi, ke fova ntlëuta sèul pastor d'anes de duta la val, i a nutei su. C.





Santa Krestina.

Via do iel da man ciancia a ma drêta: Kedul, Krespëina, de dora, Pizes kuecenes, Pizes da Cier, Dantercôpies, Mon' de Freja i Mëisules; Dlongia l ciampanil vëgun mo l Ciastel (Fischburg) i da man drêta i prei de Pivan.

N pue de storia dla dliefha d'Urtifhëi.

La dliefha d' Urtifhëi ie stata fabrikeda dal ann 1793—1795 kula forzes de duc d' Urtifhëi de berieda: i ëi abinova i sash do ruf de Sant' Anna ite i li menova kui bues. Ciavei ne ova ntlëuta degun — un sël, l Planker da S. Piere foa a fhudë kun si ciaval. L' ëiles purtova l sablon kun zumes i kul gurmel. Deguna univa a mëssa zënza purtë tl gurmel o te n fazulët n pue de sablon. N konta ke, kanke l ruf de Sant' Anna foa rumà ora da duc i sash, univa na gran plueja i l ruf menova inò d' autri sash, n maniera ke la dliefha ie stata fabrikeda de blo sash del ruf de Sant' Anna.

Ai 5 de setëmber 1795 ie po la dliefha stata fineda i benedida dal pluvan da Lajon, seniëur Giuani Perathoner. La prima s. mëssa tla dliefha ie stata na mëssa nevela de n patriota d' Urtifhëi, seniëur Antone Anderlan, k' ie stat urdenà dal veskul de Persenon ora de tëmp, acioke l posse tenì la primiza te dliefha nueva. Kësh seniëur Antone Anderlan ie po plu tert diventà Kurat d' Urtifhëi, l ann 1816 i ie mort permò 56 ani ai 8 de Dezëmber 1829. La perdika da kësta prima mëssa a tenì seniëur Ufhep Malsiner, kanoniko a Persenon, i ke fova ënke de Gherdëina.

L ann do ke këi d' Urtifhëi ova skumencià a fabrikë la dliefha nueva, ie stata trata fhu la vedla dliefha a Sant' Anna. Kësta

dala Cēures, laša la Via del Franc a man drēta y va su sul Pitl Còl dala Cēures, via Pra da Mestra, òra Plan dal 'Astles, su sal Plan dai Mušáč, sa i Věřč y òra Val Věrda, pò òra 'l Pitl Plan dal 'Astles y via per i Brušèi y ġu ġa la Gran Poza; trāvěrsà su y òra la Bušes del Crist, ite per i Lēigheri del Crist y ite itā Dròč da Cudán, su sa 'l Crist, ulá che te pòsses di 'n padenoster 'nce per mè te Dlieša del Crist, y pò su sul Ēur del Crist, ulá che 'l ie tan bōl a cialè òra, che te pueč autri lueš. Pò va ite per 'l Ēur y ġun Plan del Crist y chērdes sa la Cēsa del Crist a t'en böver 'n chērt y te majē velc; pò ite ta Còrda y sot a Schlossecka (Piz dal Ciasťol) danter la Montes via Locia da Fliz, dal Gran Còl via, sēura la Fradojes ite tala Gran Còsta y ite tai Ciašaríns, su sal Gran Purón y ite sēura 'l Plan dai Ciavèi y la Fola dai Ciavèi ite te Mēusna Rossa, ca la Buša dal Lēuf y l'Ēga de Schienboden, via per 'l Ēur de Brèdles y fòrši sun Ciašèa de Brèdles a te majē na scudòla de bon lat da mont; še t'ues, pòsses 'nce ġi via Nudelboden, ulá ch'i ġèi cianta, ma zēnza stlòp vè, še no i Funösseri te-l tòl, pò vėgnes ca dal Crist de Brèdles ġu, sēura Cuecenes y 'l Ciampañil de Cuecenes y la Buša de Grièlēcēs òra y òra per Grièlēcēs, lašes 'l Ruf y la Còsta dal Sas Blanc a man drēta y ruves òra Pra dala Tambres; laša la Còsta dala Tambres a man ciancia y vès òra i Palúš, 'nfina òra dal Ruf dala Pujates, ěutes pò ite tai Tlusiei y tai Strēnč, passes via 'l Ruf de Cuecenes y vès ite per i Plans da Fēur tala Ciaucēja, pò inò òra la Locia del Marēufer, (òra la Curtina di Ciavèi, 'l Cianciòl dala Sia, ġa 'l Plan dai Pèi y ġu per la Còstes y 'nce ġu dal Věrt ne pòsses ġi, che 'l fossa massa na gran raida); te vès Sēura Pra via, cun Muráč y 'l Pēne cun si Walscha Hitta sot a tè, su sun Šádules y da Šuáč ġu ġa Locia del Pēne, ulá che te pòsses cialè su ai Ēures de Secēda y la Pēles da Lip, al Crēp Frèt, ala Piza Turonda y 'l Còl dala Marēnda; pò passa via i Fussèi y via la Pozes vès su sa 'l Dròc del Ēutes fin sula Gran Còsta y ġu ġun Plan Vinòla sot al Gran Puntón y Cuca, ġu per la Còsta di Laces y via Plan Šabrea y 'l Casón, laša Còstes sot a tè, ġu da Pra dal Plan via te Val dal Ravisón, laša 'l Ruf da Salín, i Tuèi y Pič sēura tè y va su sa Turnadēcia, òra Val Limbòla y Val Strēnta, òra la Pitla Frainòles y òra Frainòles, passa via la Gran

Ròa, sēura Val dal Plan, 'l Dròc di Goli, Val Scura (o Val da Lèc) via sula Pitla Ròa 'nfina òra 'l Balöst sēura Sacun, ulá che 'l ie inò tan bōl a cialè ġu. Pò dà ėuta, vie ġu per i Purcējes ġun Pedralbra, passa òra Zertlán, Pincán, 'l Fussèl da Pincán y Sartēur y òra per Istla y ruves inò te Via da Bò, ulá che t'ies muet. Vēighes-te, 'l ie drēt šēmpl; še te vès iust šiche t'è dit, pò vēighes bōlau duta la Mont de Resiesa y 'mpères nēut dlonc.

Gan: Ma ies-a mat, chi savrà-pa da ġi bōl iust šiche t'ès dit, y chi se lecurderà-pa cheš grum d' inuemes; tlo adurvēss-ur na lōntcòrta, ulá che fos duč chiš inuemes curiòš. Tlo ne me 'mpaz-i-pa, 'nsēgna mè 'n plu acòrt a fè cheš viač.

Ušöp Antòne: Pu basta, še n' auter 'l sa, pudrès bēn 'nce tu te dè 'm pue' de bria a 'l emparè; ne sarà mia no massa, še te savēsses 'm pue' nēut tē ti pròpria patria.

Gan: Pu bon bon, še t'ès 'n dí del' aurōla, vie tu 'nstēs cun mè, pò áres che 'mparerè 'nce je nēut; 'ncuei n' jēde m' ès fat dut cunfús cun ti grum d' inuemes, che nen ėsse mèi cherdù che 'l en fossa tanč te nōš pitl luēc. Per 'ntant adio, Ušöp Antòne, y grazia de ti bria.

Fr. Moroder.



Sentēnzes y pensieres.

Š' un ne sa da tenì la musa y da scutè,
Dēss-el se cri na fēna, dēss-el se maridè,
Še 'l ne 'l 'mpèra dala fēna dò se maridè,
Pò ne sarà-l plu autramēnter da i ġudè.

T. P.

'L tēmp, o bōl o burt, 'l se muda;
'Nši l' ons nēus sul mont cul cuer:
Datrai legrēza, mò plu tristēza,
Sibe-pa 'l ric o sibe-pa 'l puer.

T. P.

Ódio y rabia fēš petè de drē' gran sauč;
Un ch' ie mat dal' ėiles 'n pēta mò de plu auč.

T. P.

La fam y la puvertá
N' ie segúr no vèl de bōl,
Ma 'l mat al' ėila sarà
Mò bōlau 'l maġer mèl.

T. P.

Pra stlofes de patáč
Tenid' là bocia stluta,
Še 'n òst mēt òra 'n brač,
Giaurì-la pu mè duta.

Segn. Batista.

A vöster for tela ustaries
 Pudëss-uŋ les ratè per sies,
 Še ne uniss' datrai 'n òst
 Y cuġmandëss': »Žën ġi-v'en tòst!«

Segn. Batista.

I musicòntri ie dagnëura
 'Mpermalëuŝ y delicač,
 Si muŝiga ie for la miëura,
 'Nce š' i miäulöa šich' i ġiač.

Segn. Batista.

A ġi tel stuelp a spaz
 Ne dëss-uŋ paie daz;
 A ġi a spaz tel luec,
 Ie 'n heller böle truep.
 Še 'ŋ va pò dò si strëda,
 Dëss-uŋ avëi ghenëda;
 Še duč ġis dò si strëda,
 Pò ëssa duč ghenëda.
 Chi uel vöster beač,
 Chëi vëde dò si fač..

Segn. Batista.

'N ric se fëš òra puere,
 'L puere se fëš ric;
 'L prim ie 'n avarón,
 L' auter 'n superbón.
 O 'n pësta de 'n pultrón.

Segn. Batista.

A vöster for sun chi marcëi
 Tan d' ëiles y pò mò tan d' ëi,
 Messëss-i pu cumprè en mont,
 Dò mi idëa de fë cont.
 Ma truepes va mè per udëi,
 Na pèrt mèdrë per tò cunsëi.
 La puera bösties sula fieres
 Ne ġiata nia dis entieres.

Segn. Batista.

Žën muess-uŋ ġi òt ani a scòla,
 La dura danz 'm pue' plu ġiut;
 Še tèn la nëif a ġi a tòla,
 Va mò plu ġën vël pitl mut.
 Finà che 'ŋ à de ġi a scòla,
 A-ŋ danz finà si plu bieì ani;
 'Mpö de ġi dëschëuč a tòla,
 Scumënc-eŋ tòš a ġi a bagnaì.

Segn. Batista.

Chi che te lauda sul mus,
 Laša stë y mostr-i l' uš. *)

*) Nach Alton, Proverbi etc. Innsbruck 1881.

I sapienč rešona puec,
I ciorches t' ugni luec. *)

'N dessená y 'n ciòc y mat,
Chèi ie dui trèi unfat. *)

Chi che vif de scròc
Ne vèl 'n flòc. *)

Tan auta ch' ie la mont,
Tan bassa ie la val,
Plu insú che te vès,
Plu ingú tumerès. *)

Chi ch' à truepa ròba,
Vif plu saurí y mòr plu èrt,
Chi ch' à puecia ròba,
Vif plu èrt y mòr plu saurí. *)

Chèl che 'ntòrč 'l fil,
Guda al tišere,
Chi che tèn la šèla,
N' ie nia mièur che 'l lère. *)

Šiche 'l père ie i mutóns,
I fanč šich' i patróns;
Šiche la patrona la fanciòla,
Šiche la vacia 'nši la vadòla. *)

A chi che brèva, dëss-uṛ i-n dè,
A chi che se lamēnta, i-n tò. *)
Chi che brontla ugni mumēnt,
Tira na ciazza de farina al vēnt. *)

A tenì cēsa muess-uṛ la stizè. *)
Dal dit al fat ie-l 'n gran trat. *)
I mač cunēš-uṛ ai ač. *)

'N aut dišàn, 'ḡ aut mentiàn. *)

'N viz de natura port-uṛ a sepultura. *)
Chi ch' à crià l' uciòl, darà 'nce 'l granòl. *)

Chi che desbuta, compra.

Ch' i 'n laše valēi un dlongiad ēi i muess-uṛ vōster a na
pèrt de gēnt šaldi dān òra. C. D.

Ne ie da crēier tan urdenár che na pèrt de gēnt ciēla òra,
canch' i — mēt su 'n zelinder. C. D.

*) Nach Alton, Proverbi etc.



'N puec per sort.

Zöche vödl mulinè d' Odun giva n' jède cun en muşát pra 'n paur sa Sacun a tò na sama de blava da masnè. 'L sartëur da Còsta, ch' ulòva vöster 'n drè' maladët, 'l anconta. »Ulá gëis-a vo doi?« diş-el. »A fën per nëus trëi«, respuent de-bòta 'l mulinè. C-F.

Tumës dala Poza, ch' udòva mè da un uedl, anconta 'n dí a-benëura 'l gòp da Ciasëa. Per 'l cujenè 'm pue' de si gòba, ti diş-el: »O Tòne, 'ncuei ès ciarià su a-benëura.« »Ò, muessa vöster a-benëura, ti respuent 'l gòp, vëighe che tu ès permò una funöstra daviërta.« C-F.

Un de Gherdëina, che ne savòva nia l' ungarös, viaggiòva n' jède t' Ungaria. 'N dí va-l a marènda te na ustaria y l' òst ti pòrta 'n tò' de cërn. Davía che 'l òva na drèta fam, l' à-l majèda gū da sën y la ti òva sapù bòna. Ma ce sòrt de cërn che 'l òva majà, ne fòv-el sta bon d' unì sëura. Canche la ciulèa vën a rumè gū la mèisa, mostr-el sul taier uet y fës 'n vières šiche n' auneş. Ma la ciulèa cigna de-bòta de no y baja š'che 'n cian. Zën savòv-el ce cërn che 'l òva majà. C-F.

'L rie ugin. Piere: »Ma bèra Tòne, cò-pa ch' èis da ca vòsta blòta cësa y vòş bōl pitl luec?« Tòne: »Ce ues-a! l' ugin ne pudòv-i vènder; y š' ulàn avëi la pës, zöche messòv-el unì fat.«

Franz Moroder.

Respòsta pronta. 'N segnëur raitòva 'n dí sun en muşát a spaz, trës na campagna. 'N paur, che siova te cheş pra, i cëla dò a chëş sul muşát bën drët da curiëus. »Totl de 'n paur, svëja zeruc 'l segnëur, n' ès-a mèi udù na persona che raita?« — »A šì, šì, respuent 'l paur bōl da maladët, chël è-i bën suënz udù, ma un muşát che raita sul auter n' è-i mèi udù.« T. P.

Da 'ndevinè. Chi ie-pa 'l miëur dutor? 'N 'lère; canche 'l s' en va òra de na cësa sa-l franc, cie ch' i mancia a gënt. T. P.

N' outra. 'L ie doi gialines; una ie viërcia, l' outra vëiga. Les ie de doi pas da-lèrc una dal' outra. A mōz ite mët-uḡ gū 'n pugnì de graniei. Cò-una minëis-a ché ruve la prima pra i graniei?

La viërcia ruva dant, che la ie plu asvòlta, davía che la nen à degun uedli de gialina. Sèpl da Passua.

Tra pitli mutons. Doi tòi boč de mēures se daşòva. 'Ntant diş un al auter: »Maze-me, macarón, pò vèd-i riës a Ciaslöl a te dè sëura.« Sèpl da Passua.

Tra doi maridèi. Uem y fëna cialòva da funöstra òra. La-gū te strèda fòv-el 'n muşát che briòva. Dò na uròla diş la fëna:

»Chēs ie bēn 'mpò un de ti parēnc« per 'l rebechē. »Ō, diš 'l uem, 'l ie mi cughà.« S. da Passua.

Te cēsa. »Ō ma, Piere, cò-pa che ne te desmostres deguna legreza cun chesta bōla rōba, che San Niculau t' à purtà?« — »Pu me pēse, tan de striches che giaterē, 'nchina ch' è fruzà su dut.« S. da Passua.

Te calōgna. La cuega del prōve diš 'l prim aṅ: Cē bōna gialines, che 'l curat à. 'L segundo: Ce bōna gialines, che nēus on. 'L tèrzo: Ce bōna gialines, ch' je è. S. da Passua.

Cò ie-pa vōs maōster de scōla nuef? — O, 'l ne sa nēt nia; še 'l uel savēi vèlc, muess-el permò nes damandē nēus. Permò inier m' à-l damandà, chi ch' à giatà su 'l America. S. da Passua.

T' Ingheltèra ne daussa i lōntrichtri purtē deguna bërba. 'N dí diš 'l richter a 'n tēl loter: »Še dut ie vëira, de chēl che sēis acusà, pò ie vōsta cušienza tan foša che vōsta bërba.«

Le-su de-bōta l' acusà: »Še 'η pò mēter adúm la bërba cula cušienza, pò n' ēis vo deguna cušienza.« S. da Passua.

Sun strēda. Ce pòrta-pa ti fēna te chel fazulēt? — Na tēurta; 'nuei gōns cercuenja, pò i-l' è-i data ad ēila da purtē; zēnza vēd-i bēn dagnēura 'nstēs pōa. S. da Passua.

'N segnēur, ch' òva 'l cē lià su, va te na butēiga y damanda na sōlba, che traḡēs drēt. Dan i-la dē, damanda la buteghiera: »'N ulēis-a fōrši una dala urēdles?« Segn. Batista.

'N fulestier damanda: »Ciuldí ie-l-pa te cheš gran luec tan na pitla dliesā? Tlo ne pò-i mèi ite duč.«

Chēl del luec: »Pu danz; še duč ḡissa ite, pò ne ḡiss-i ite duč; ma davía chē ne va nia ite duč, va-i ite duč.«

Segn. Batista.

'N bōl eumplimēt. L' oma: »Ne ve sa-pa, che mi fia me semōie franc?«

Segnēur: »Ōra de misura; la cēla finamēi òra mò plu da vōdla.« Segn. Batista.

'N oma va cun si pitl mut da dutor y diš ilò a cheš mut, cò che dutor à cumandà: »Mēt òra drēt la lēnga al dutor!« Pò damanda 'l mut: »Dēss-i-pa 'nce i fē la spanes de nēs?«

Segn. Batista.

»Canche vëighe, che doi maridēi se strita, pò me-la ḡòd-i for de cuer.«

»Pò sēis bēn plu segúr mò da maridē?«

»No, no, ma je è na butēiga de rōba de majòlica.«

Segn. Batista.



Badiòt.

Al osti da Lungiarü.

- I. Ladins, ši gëis-pà a Lungiarü,
Storgöde pro mo dër de sigü
Ailó da Jaco a palsè,
'N osti, de tai n' en cial-eŋ plü.
- II. Bøl pronto da serví el ö,
So vin fës düč canč vis y ö
Tan bun co Magdalenervin;
Ince pier a-l vël del Kundler fin.
- III. Dela snòps n' o-i bēgn ci nia di,
Mo bēgn laldè súa spēisa mēss-i.
Col priš n' ö-l nine nia tirēnt,
Te súa ciasa ö-l nēt y liciorēnt.
- IV. Ince ö-l da spaš y dër parlēnt,
Con vigni-un anfat valēnt.
Famošo ö-l vël da ciantè;
Düč diš: »Tlo orunse stè!«
- V. Nos düč studēnc messun 'l di,
'Nšo ö-l l' osti da Lungiarü;
Nòš bun amic sarà-l y ö stè,
Per chël oruns i ringraziē.

Josef Taibon.



Vale por 'l mè de cië.

(Na storia dontada del tēmp di Romani.)

Zacán è-l 'nt' les nostes valades y munts la gēnt por 'l plü
bēgn böla sana, gajerda y de buna vēja. Ai nen' è bēgn ince nia
tan ziti co zēgn y ne se fasò troep da-n-fòra por 'm pü de cialt
o frēit o fan o valga sort de mal o mè. Še valc falaa da-sēn,
à-i de bunes èrbes de vigni sort, mo 'mpò ince 'n möde, c' aa
medēgines gonot cis bunes stēršes.

La Sotpútja è-le bëgn n' jade stè 'l patrún ch' à cialè da spaónt mè de ciè. Doetes les medegìnes mòles y cialdes y frèides da ite y de fòra, che súa buna Mariana à salpù, parò-l che ne gòes nia. 'L púr Còsperle manaciaa de saltè fòra dela pòl y col ciè te chi parèis. »Se 'l mòde savòs mòfo valc« scomènc-era Mariana, i fès gī gōe 'l famèi dles ciores.« »Chèl ne fos nia mal fat, Mariana, mo ju ne doere-pa plú cis di je.« Mariana ota cuntra 'l famèi, co njò mòfo dèr plègn de rispòt cola braja scarzada: »Và pœ ma de-bòta gœ dal pòder y di, ch' al te dai por Casper val por 'l mè de ciè! Salta ma y vi!«

Por 'l picio Nazio è-l bëgn saorì a saltè, tan gonot pià-l-pa vèl ch' la »Mišira«, bëgn la plú ria dles ciores, y ti an dò zaco-tantes, mo de se recordè ci ch' al messà di al mòde? »Valc por 'l mè de ciè«, dišò-l de-mis-trú por vèl mōz dad-alt. Mo al mēssa öster ch' al sii stè ince 'nlaota 'n stlöt punt o na pōra te tru. Plums, è-l tomè tan lunc ch' al è, iló scœla mûsa. 'L ciapòl y les dèrmenes i è sprinzades lunč 'n malora; mo ince les paròres i è tomades fòra del ciè.

Zënza bazilè o-pitè salt-el vèl inánt. 'L mòde à-l tòst albú. Föter gram stò-l vèl iló y ne savò co mēt man. 'L mòde co ponsaa, ch' al fos spáu, diš spo: »Mœt, ci che t' os avèi tœ 'ncœ?« Oramai i è-ra zëgn tomada ite al famèi y vèl diš: »Val!« »No, no, ci ch' al fala min-i!« »Valc!« »Ö-l zacaì de pûri?« scrai-el plú da-sën. »Valc, mo nia doet nen a-i dit.« »Cheš malán de craut ö bëgn ma por m' atrazè«, se pēnsa 'l mòde. »Ciara ch' i te dai 'ncēr 'l ciè, še te ne sas ci orēi!« »Ö, öhö, chēl o-i, val 'ncēr 'l ciè o-i!« scraia de-bòta 'l mœt la-sora. 'L mòde nen è plú bun de se tignì, i an a bëgn menè trēi de sarades y de smalzades. 'L púr mœt fašò bëgn 'mproema na ria mûsa, mo šö che vèl les à cialfades, av-el tòst albú 'l cunt fat, orò-l ince vèl i-les portè a so patrún. Rovö a ciasa, va-l ēl it' te stúa y ti-les mesoera ince gœ a Casper chel tant ch' al ö bun. De does a-l bōl bastè, ch' al njò oramai la patruna da ũš ite, ch' aa aldì i scraiúns y i cighi del om tant amè.

Cimm! »n' as-te ince tœ ciamò cena, ch' al m' an à dè trēi a mō!« y 'l famèi dles ciores de Sotpútja da ũš fòra.

Josef Taibon.



Le jagher dal jal da galeder.

- I. Na sēra sarēna dēr bōla dē Ma,
De fōra la lēna prēs colma co da.
- II. La ora co bat zēgn la cēna de noct,
Le jagher tralaša atira so lōt.
- III. Les ciaspes, le rucsoc, le stlōp scel spinē,
Atira ō-l stē vėl con doet argignō.
- IV. Con james lēsieres va-l cuntra le bōsc,
Dò n' ora o dōes èdl ēl scen le pōst.
- V. 'Mproema se fēs-el 'n fūc sot 'n lēgn,
Se 'mpēja la pipa y palsa dēr bēgn.
- VI. Dò 'm pōz le calander mēt man da ciantē
Y 'ncūnda al jagher ch' al vēgn prēst la dō.
- VII. Y tōst ō-l le jal spo co cianta scel lēgn, —
O jagher atira argigne-te zēgn.
- VIII. Al alza les ares, destira le cōl,
Le jagher dertánt gī damprō spo i pō-l.
- IX. Zēgn tir-el 'n šūre y laša 'l ciantē,
Scēn chēsta le jagher spo l' a-l asmatē.
- X. Respōsta la-sora da l' jal dessenē,
El gōra alerc spo — y vēgn stlopetē.
- XI. 'N cighe la-sora, le coi scē spo snōl,
Fornēs con na plēma dal jal so ciapōl.

Josef Frontull.



Mascherada fašana.

Le doi muše dal moliné da Perra.

(La piú véja se chiama Eleonora e la ġoena Beatrize.)

E. L e ben na meséria con chest moliné,
Ndo, Beatrize, no se sa olá che l e.
L se n' e ġit anché dale sie
E amó no l e rua ti pie.

B. L e vera, son stufa ence jo de spetár,
Parche me premessa de magnár.
La peta, che l me a dat suta, e magnada,
Son amó ben ben famada.

E. O mia Beatriza pureta,
Speta che vae a far n' autra peta.
No mi mporta mia n schit
Ence jo, ence e boni apetit.

(NB. Eleonora va a far la peta e Beatrize se la rešona cošita.)

B. Mi ámeda Eleonora l e na dona,
Ognún sa, segur bona,
Ela péissa semper per me,
Auter plu che per se.

L e vera, amó l' auter di,
La me a comprá a mi
N peten e n gramiál
Plu bel che chel de Roša da Soál.

La me a comprá n bustín e n anél,
Che l e segúr valc de bel!
Adés son vestida da ciáf a pie
Tan, che de un che falés le fie.

No l die per ciapar la polenta,
Mo son po ence jo valenta.
J-maores saches cogne jo portár
E se preša ben ben trotár.

Dal peis storta cogne ġir;
E sente da sen me dir
Prest cun na ouš grossa »Ari ca!«
Prest cun na spenta: »Ari la!«

Se presta no voi ġir,
J me faš subít sentír
Na gran peada amó
Te chel puret de dō.

L e própío da grignár,
Che i se met a ciastiár
Subit chel de do purét
Cun peade e cun bachet.

O corpo dela luna!
Chel no a mia colpa valguna,
Che, parche col far trun — trun,
L disturbassa foš l común.

Par chel mingol del vers, che l faš,
Subít tinf tonf i je daš;
Esser no l e nešuna rešón,
Ma pazienza, bel e bon.

Nse próprio na meseria l e,
A servír n pec o n moliné.
Se con ġir sot piévia e vent
Cun na ciaria, che faš spavént.

J faš corer e trotár,
A costa de crepár,
Che se sofle e se sua
Plu che te na bona stua.

Chel magnár no fossa mal,
Ma chel l e ampó n fal;
Prest iporta freit, prest ciaut
Sche a chel cianolín de Sbaut.

Mi ámeda staš zis trop a vegnír,
A vedér se ven, voi ġir.
A st'ora la podessa esser chió,
Ma voi spetár n pec amó.

Adés sente mi ámeda a vegnír
La cognoše bel tel ġir
Con chi bie feres da mušat,
Che l auter di Tonín je a fat.

(NB. Eleonora ven cun la peta.)

E Te pur neza! magna su n bon teis,
Che tu n abe assá par n meis.
Chesta fossa po ben da grignár.
Fam no se volón po mia durár.

- B. A've la dir fora dreta,
Aede fat na bona peta,
La me plaš sche tortie
O sche de bie forandie.
- E. Scóuta ma, me par de sentír
Adés l moliné a vegnír.
- B. O, jo pureta!
No e amó magná la peta.
- B. Me la volesse ampó magnár,
Che foš cogne ġir a tor da maġenár;
Ma foš l va a dormír,
Capassime, la voi fenír.
- E. Ši, ši, a dormir l e ġit!
- B. Adés no me mporta n schit,
La peta se volón magnár
E n pec se la ciacolár.
Ámeda, l áuter dí, che siede stata a nol,
Ve a i po dat da mpenír l fol?
Nia amó no aede dí,
Dišemel mo, ve pree, subít.
Ve a i po dat da béiver e da magnár,
No fará de besén de domanár,
Ve a i po dat pete, pan e vin
De chel, che vel l fáure da Mazzín?
- E. L parea próprio na cucagna
Ognún dišea: »Elconora magna!«
J a fat segur n disnarón
Tan che l dí de sagrón.
Na supa i a portá
E po n gran zapolá,
L era ma segúr de smauz e bon
L con esser stat de formentóni.
Dapó na torta l e vegnú,
Beatrizze, se tu aesse vedú!
A no dir na buġia, la era grana
Plu che la noša maór fana.
J porta n ciaf de mušát,
Crese che de Bertol l sie stat,
Cun n gran cop de pria
De presór, ma no la era ria.
L e vegnú amó na salatina
Blota de schiċ de jalina,

Cun bret de cobes i l' a conciada.
La era bona, duta la aón magnada.

Vin però ence assá zenza fal,
J l portaa te n gran bocál.
Aón ben magná e ben beú
Che siane bon fač su.

Chel no no me a plašú,
Beatrize, se tu aesse demó vedú,
L era proprió da grignár
E pur se cognea magnár.

L e vegnú n cop de lat de pegna plen,
La ite l era pizágoi, mete pen,
Neigres auter plu che n parolót
O da tabác, šche l nas de Carabót.

A far chest i a mpará da Maghért,
Ši, proprio da chel stravért,
L creit che sie n bon bocón,
Che dae forza da sansón.

Te l ciapél de Piva i a portá,
Ma de chel no n e magná,
Un bel gran pramés
Toč de bonze e ravalés.

E tan magná e tan beú,
Che n fin no podee plu,
Ma can che son vegnuda, chel pastolá,
Che tu me as fat, l a dut justá.

A cheđer l e stat Lucrezia, chela carogna,
Cul mus nfroziná e le man de roгна.
Cun la gocia al nas e masteán fave
Cun la boccia duta sot a bave.

B. Chest volesse saér amó,
Che dísei, che conta-i po?
Chest volesse amó sentír,
Dapó volesse ġir a dormír.

E. O Beatrize se tu saesse,
Segúr ence tu planġesse,
L e dut sot e sora, e sora e sot
Šche le erbe de chel Ġoan Zifolót.

Sun chest mondo, sun sta tera
L e dut descórdia e vera,
Jo no se, co che la ġirá,
Se valc prest no muderá.

J parassa via re e imparatores,
 Sche se fossa zompes de sartores.
 Adés vel ognún comanár,
 Chesta ši la e da grignár:

La veritá, a te dir,
 No se, co che la podrá ġir;
 Se comanár vel ognún,
 'Nfin no ubidissa plu nešun.

J parasssa deméz papa, véscovi e pluvégn,
 Se demó i podessa, mete pegn,
 Parche, corpo dela luna,
 Religiún no ne plu nešuna.

Volón po ben preár
 L cel, la paš a ne manár;
 Parche Beatrize, neza mia,
 Zenza chesta la e braussa e ria.

Adés volón pò ben sin ġir,
 A pussár e ben dormír,
 Che domán bonora podassane levár,
 A ġir a tor da maġenár.



Fedom.

La insuda.

Sion da insuda,
Sion nte n autra sason,
L sol a cambiè, no ne pi chel,
o ce bel!

La insuda la è chilò
E sto invar fet el no commanda pi
la cugnù s en xi.

Salve chi a creà ste bellezze
De sta sason che le la insuda,
bele vignuda.

La sta n crudo da valch sta ota,
Giazava ite dut nfin i sas
e incia l nas.

Ades godonesse la insuda
Che la è vignuda bona ciauda
chesta si sauda!

Da insuda duc jè contenc
Parcè che no nè pi cusi chiet
ne gnanca fret.

Ades duc va de fora
E se scomenza a laurà
e sintinà.

Incia le femene le daur el barcon,
Le lassa la ciausa e la roda
e le va de fora.

De fora dut lè bel vert
Ste arbe le scomenza a vigni
semper de pi.

E i guziei jè jaro chilò,
La è tan bella sta sason,
se la godon!

Le zigre jè vingude,
Le scomenza a fabricà
e ristaurà.

Canche i centa duc a una
Sti guziei i fa n gazer
che lè n piazer.

Le fuoje le scomenza a spontà
Ma alla pena che somea a siti
baffi de coscritti.

Insoma la insuda la è bella.
Calche ota ven n onda
ciara e monda.

Incia l ziel lè bel saren,
De not lè dut stellà
da incantà.

I siori istesso, i lasse le basse,
E i se tira pi aut,
che lè manco ciaut.

Infatti n auter vive lè adess,
La porta content sta sason
de chel bon.

Ades le not le ven pi curte,
E de not no se và pi,
lè meo dormi.

E cusi me avè capi.
Chi da Coll je furbi e fign,
pu je Ladign!

Melchiore Colleselli.



Sa mont lè ben bel.

Da ste bande lè ben bel,
no nè degò de tal mont
che rùe fin sal ziel.

No se finis mai pi de i vardà
a ste mont cusi aute,
lè proprio na rarità.

Non dut intor de ste mont
bele verde o da bosch
da n zima fin xun font.

On ben incia crode
aute che fas spavent
con chi spiz sun dute le mode.

Lè la Zuita, la Montagna e l Crot,
Sas biench e Mont de val,
lè cheste cusi da banda de sot.

De là lè Versal,
pi insù la Lastia e Croda rossa,
e po lè Palla dal sal.

Fin de Xugn no se pol xi su,
sun ste crode cusi frede
lè la nef ncora n toch n xu.

Per esempio ntal Crot,
che mi el vede ogni di,
lè nef tan de sora che de sot.

Versal lè ncora pi aut.
Se abadè ben d istà,
vede le peggiorare sun chel saut.

E po lè la Lastia,
lè incia na granda croda,
lassu lè incia na ostaria.

E Croda rossa che i varde ogni di,
la fa aspetto, massima
co l sol va a fiori.

Palla dal sal la da esser incia bella,
se vede a varda su,
mi no son mai xu sun chella.

E po lè Naolào
na mont tant nominada
per esempio incia Giau.

I prai da mont jè ben biei,
sun ste mont lè n piazer,
come sun Piezza e sun Melei.

Xal pe del dut lè Zopei,
e po lè Porre, Val ciarnara
e su insom lè i masarei.

L mes d Agosto duc va su,
sa mont a siè
e no se volesse pi vigni xu.

De domenie da sera le allegria,
se ride, se scherza,
no se pensa pi a nia.

Da da sera se binon
de dies o dodes xovign
e xon a seccà Ostazon.

Sa mont lè bel a fa na ridata
entel fen coi suoi amizi
ma pi bel lè con na tosata.

Melchior Colleselli.

Anzeigen im ladinisch. Kalender für 1915

$\frac{1}{1}$ Umschlagseite	20 K
$\frac{1}{1}$ Innenseite	15 K
$\frac{1}{2}$ Innenseite	8 K

*Inserate für 1915 sind bis längstens
1. Juli 1914 an den*

Ladiner-Verein in Innsbruck

:: zu richten. ::

*Die Reihenfolge der Einschaltung ist
ohne Unterschied die des Einlaufes.*

*Geschäftsleute, ob Ladiner,
ob Nichtladiner, inseriert im
ladinischen Kalender!*

Herausgegeben vom Ladiner-Verein.